

光緒重修安徽通志

重修安徽通志卷六十八

河渠志

水利治績

周定王時楚令尹孫叔敖作芍陂灌田萬頃

漢書循吏傳

漢建初八年王景遷廬江太守郡部安豐縣有楚孫叔敖所起

芍陂先是荒廢景重修之境內豐給

後漢書王景傳

魏遭朱光爲廬江太守屯皖大開稻田呂蒙言皖地肥美若一

收熟彼眾必增於是征皖破之

吳志呂蒙傳

太祖表劉馥爲揚州刺史鎮合肥數年恩化盛行流民越江山

而歸者以萬數於是廣屯田興治芍陂及茹陂七門吳塘諸塢

以溉稻田官民有蓄

魏志劉馥傳

附宋劉放七門廟記

嘉祐二年予爲廬州從事

始以事至舒城觀所謂七門三堰者問於居人共灌田幾何對

曰凡二千餘頃考於圖書則漢龔頡侯信始基而魏揚州刺史

劉觀實修其廢者先王之典有功及民則祀之若信者可謂有
 功矣然吾恨史冊之有遺而憐舒人之不忘其惠也昔高帝之
 起宗室兄弟之有才而能者賈以征伐顯交以出入傳命謹信為
 功此二者皆裂地為王連城數十代王喜以乘國見削而子濟
 亦用力戰王吳獨信區區僅得封侯而能勤心於民以興萬世
 之利其惠愛豈與賈與相侔哉夫攻城野戰滅寇屠邑是二三
 子之所謂能殺人也與夫闢地墾土使數十萬之民世世無
 飢餓之患所謂善養人也若以相譬猶天地之懸絕也而賈濟
 羽功自名信不見錄豈殺人易以快意養人不見形象
 哉然彼賈濟之死民咸無聞久矣而信至今民猶思之

正始四年用鄧艾計修廣百尺二渠上引河流下通淮潁大治
 諸陂於潁南潁北穿渠三百餘里溉田二萬頃淮南淮北皆相

連接晉書食貨志

吳赤烏四年遣全琮略淮南決芍陂三國吳志

晉武帝時劉頌為淮南相甚有政績修舊芍陂年用數萬人先

是豪強兼并孤貧失業頌使大小戮力計功分授百姓晉書劉頌傳

泰始十年光祿勳夏侯和請修新渠富壽游陂三渠凡溉田千

五百頃咸甯三年杜預言戶口日增而陂竭歲決良田變生蒲葦前見尙書胡威啟宜壞陂又宋侯相應邇求壞泗陂徙運道按運道東詣壽春有舊渠可不由泗陂宜令刺史二千石漢舊陂舊竭及山谷私家小陂皆當修繕以積水

晉書食貨志

水利之說三代無有井田之行捐膏腴之地爲溝洫之制是以能時其蓄洩以備水旱子產相鄭猶必使田有封洫蓋謂此也自秦開阡陌廢井田任民所耕不計多少而溝洫大壞後之智者遂因川澤之勢引水灌田而水利之說興焉魏起鄭白之徒以此爲功然水就下者也陂而遏之利於旱歲不幸霍潦害有不可勝言者此翟子威杜元凱所由請決壞隄防以紓水患也

文獻通考

宋元嘉七年長沙王義欣爲豫州刺史鎮壽陽經理芍陂良田

萬頃隄堰久壞夏秋苦旱乃因舊溝引淠水在汝南入陂伐木開

榛水得通注旱患由是得除宋書長沙景王傳

齊垣崇祖修芍陂田通鑑

舊志引齊書魏寇壽陽豫州刺史垣崇祖堰肥水以自固引

梁書侵魏進討合肥郛堰肥水成舟艦繼至引陳書吳明徹

攻壽陽堰陳書作肥水以灌城按此三條皆詳見兵事與水利

無涉刪

隋趙軌因芍陂舊有五門堰更開三十六門灌田五十餘頃隋書

趙軌傳

唐永徽中刺史柳寶積修椒陂引水溉田二百頃唐書地理志潁州汝陰注

顯慶中復修隋故牌湖隄灌田五百餘頃唐書地理志宿州符離注

太極元年敕使魏景倩引淮水至黃土岡以通揚州唐書地理志泗州

注胎

乾封中修千人塘以灌田

唐書地理志
濠州鍾離注

開元中烏江丞章尹開溝引江至郭十五里溉田五百頃貞元

十六年令游重彥又治之民享其利名韋游溝

唐書地理志
和州烏江注

上元中觀察使薛邕於宣州築堰引水溉田人稱薛公堰

薛公

去思

頌

廣德二年宰相元載置永樂渠溉高原田大歷十三年廢

唐書地理志

志壽州
安豐注

大歷二年觀察使陳少游置陂引渠溉田二百頃

唐書地理志
宣州宣城注

人名德政陂

舊志

元和四年甯國令范某因大農陂溉田千頃置爲石堰三百步

水所及者六十里

唐書地理志
宣州南陵注

附韋瓘記略

宣郡支邑十城而
南陵處劇今地官

侍郎盧公觀察宣部重難邑長乃以甯國令順陽范君假南陵印焉先時縣有勝陂曰大農積歲不理荒梗幽尾邱隴過形非鄉黨之壽豈不可疑識范君乃召鄉老正尹而計之具畚揭列經鋪披材童裘周察勢便於是伐荇開蕪培高徹卑潛軼化工三句而畢驅長江波六十里活活下來開荒墾數萬畝汪汪虞明壁石構嶺三百步橫殺衝波壁發二港支分脈散雖使驚濤懷山亦不能軼峻防而侵厚阻豈非仁深於物乎其或火雲蒸天順勢導流則貫畦浮陸歲溉千頃斯功可以灼當世而芳千古矣

按甯國府志范某作范傳真攝南陵事

歙東南十二里有呂公灘本車輪灘湍悍善覆舟刺史呂季重

募工鑿之遂成安流

唐書地理志歙州歙注

祈門西南十三里有閘門灘善覆舟令路閔開陡門以平其隘

號路公溪後陡門廢咸通三年令陳甘節募民穴石積木爲橫

梁因山派渠餘波入於乾溪舟行乃安

唐書地理志歙州祈門注

咸通五年置永豐陂

唐書地理志宣州南陵注

舊志有元和中范傳正重修南陵大農陂及肖陂一條注章
瓘大農陂記唐書地理志按范傳正卽四年范某係重出惟
真與正微不同耳今刪

南唐築大農陂置石堰開荒埂數百畝

江南通志

周顯德初王祚鎮潁州州境舊有通商渠歲久湮塞祚疏導之

遂通舟楫郡無水患

宋史王溥傳舊志祚作溥誤

宋天禧四年知定遠縣江澤率民修廢塘濬古港以灌高仰之

地賜詔獎

宋史河渠志

熙寧二年宣城令朱紘修復水渠溉田六千餘頃四月詔增秩

舊注文獻通考按通考不載

九年劉瑾言天長縣白馬塘沛塘宿州虹縣萬安湖小河壽州

安豐縣芍陂等可興置欲令轉運司縣官覆按從之

宋史河渠志

葉康直知亳州通濟積潦民獲田數十萬畝

宋史葉康直傳

元豐五年淮南監司言舒州近城有大澤出潯山注北門外暴

水漂民居知州楊希元築隄千一百五十丈置洩水斗門二遂

免淫潦入城之患聖書獎諭

宋史河渠志新增

元豐中蘇軾知潁州乞留黃河夫萬人浚西湖並治溝洫

潁州志

靖康元年臣僚言東南瀕江海水易泄而多旱歷代皆有陂湖

蓄水祥符慶厯間民始盜陂湖爲田近年以來雨則勞旱則涸

民久承佃所收租稅無計可脫悉歸御前而漕司之常賦有虧

民之失業無算可乞盡括東南廢湖爲田者復以爲湖

宋史河渠志

新增

紹興元年詔宣州太平州守臣修圩議修圩官賞罰又詔修圩

錢米及貸民種糧並於宣州常平義倉米內撥借詔建康新豐

圩租米歲以三萬石爲額圩四至相去皆五十六里有田九百

五十餘頃近歲墾田不及三分之一至是始立額

文獻通考

十二年和州守臣請於千秋澗置斗門以防麻豐湖水瀉入大

江遇歲旱溉田疇實爲民利

宋史河渠志

二十三年當塗縣知縣張津築長圩一百八十里包諸小圩又

爲民築者四百七十二所

江南通志

乾道元年臣僚言秦檜旣得永豐圩

紹興二十三年賜

竭江東漕計修

築隄岸自此水患及於宣池太平建康昨據總領所申通管田

七百三十頃其理租二十一萬一千餘秤當年所收纔及其半

次年僅收十五之一假令歲收盡及元數不過米二萬餘石而

四州歲有水患所失民租何翅十倍乞下江東轉運司相度本

圩如害民者廣乞依浙西例開掘及免租戶積欠從之江東轉

運司奏永豐圩自政和五年圍湖成田今五十餘載橫截水勢每遇泛漲衝決民圩爲害非細雖營田千頃可耕者只四百頃而損害數州民田失稅數倍欲將永豐圩廢掘瀦水其在側民圩不礙水道者如舊詔從之其後漕臣韓元吉言此圩初是百姓請佃後以賜蔡京又賜韓世忠又賜秦檜繼撥隸行宮又隸總所五十年間皆權臣大將之家又在御府其管莊多武夫健卒健欺小民甚者剽掠舟船囊橐盜賊鄉民病之非圩田能病民也於是開掘之命遂寢

文獻通考

葉衡除大府少卿奏合肥瀕湖圩田四十里募民以耕歲可得穀數十萬蠲租稅二三年後倣營田官私各收其半從之

宋史葉衡傳

九年詔戶部侍郎葉衡覈實甯國府太平州圩岸五月衡言甯

國府惠民化成舊圩四十餘里新增築九里餘太平州黃州鎮
福定圩周迴四十餘里延福等五十里圩周迴一百五十餘里
包圍諸圩在內蕪湖縣圩岸大小不等周迴總約二百九十餘
里通當塗圩岸其約四百八十餘里並皆高闊壯實瀕水一帶
種植榆柳足捍風濤詢之農民實爲水利詔獎諭文獻通考

清熙十四年重修肖陂江南通志

十五年南陵令郭堯重修大農陂永豐陂江南通志附謝諤記南陵縣志大農曰永豐邑之田資以灌漑焉邑侯郭君堯初至郡考
圖志見邑人徐內翰元功舊有永豐陂而大農陂則韋司農
所撰記甚明乃知大農重興於元和永豐重修於咸和本朝熙
甯中嘗捐常平鈔米三萬五千餘貫石復修葺之自後稍就墮
廢田日告病郭君乃白於常平提舉謝公深甫竟如所請移文
支撥緡斛委左簿徐挺之同力計視竊按二陂之源由涇水合
山溪眾流爲江出蕪湖中歷邑界江闊地平橫絕其流開港以
遏導江水股分支引散入溝塍間所爲陂因是江也大農在上
流源流七十餘里溉田三萬餘畝永豐在下流源流六十餘里
溉田三萬餘畝凡縣賦兩陂所屬三分之一乃鳩工於丁未之

冬訖事於戊申之夏噫君子之仕以利民也吾觀親民於百里者可以日有利民之實然利於當時其利小為久遠之計視當時為何如耶所冀後之君子增其所損補其所不及非特成人之美亦以垂利澤於無窮也

紹定四年建徽州府石梁江南附錢時記紫陽之麓絕流為梁

罹蕩圯障以石邦人士輒不利障以木輒利時不能久陰陽家

言書歷星源過祁山皆西流入番江餘諸邑東入新問之三老

各三百六十難石林立勢斗下尤險絕者立橋以識踰三十尺

是為新安地最高環城三面可揭涉勢然也辟之於人不為淺

為澄涵氣象則自衍裕梁之利也固宜然立橋燒礮之上而聚

石其中霖潦暴漲何能鞏固歲一葺或間歲大葺科役民伍重

害不細況木之障水猶稀障風迸漏穿洩草草而已嘉定十七

年秋著作都官袁公甫解郡符且東歸慨念利輿而害不除非

便必大錮石為不朽計乃於是籍緡錢五萬千聞於上紹定二

年將指庾臺始克議茲役推官趙希憲董之得閩工甚精鑿山

料材集別三品直而方者曰肩石層疊繩整嚴邊幅也狹而長

首方而未削若釘若斧者曰算石斜透中通互穿鑲也其磊塊

不可尺度者曰囊石補漏鑄實要腹大抵魁傑輪囷有力勢梯

轉而下桴浮而來機運而登皆極巧便肩算迭用左右蓬卷凡

十有八層而後周內固外圓不闕於水斗門東瀉不怒其流闊三丈高半之橫互可二十倍越四年九月竣事

元至治元年當塗尹陳昌浚市河江南附徐抗翁記有城邑則必有河梁

流汙緒清通舟楫溉田時濟常用備不虞河渠之利大矣別太
平處江湖之間欲左控右引以致江湖之利河渠其可久廢而
弗治哉府治西舊有市河南起姑溪湖北抵襄城延袤十有九丈
按圖經初於宋初而遺其年自慶元以後不復濬治壅塞成平
壤居民侵之其間僅如一帶之隱軫者人指之曰此市河之駐
也壅底弗宣水土鹵墊民病湫隘延祐七年永嘉陳君昌來司
都獄因屬當塗事建明浚河府下其議咸曰太平地地形便市河
舊有之然堙塞八十年營田不能浚都水不能治今欲復還其
舊不已難乎陳君曰不然惟患誠之不立至誠可以貫金石矧
復舊耶主之尤力府從其議就倚辦焉於是程土物議遠邇規
財費商工力捐帑以倡眾皆樂於效命凡募夫五千餘經始於
至治元年八月明年閏五月卒事波流上下湖汐與海通倫漣
清泚槐柳陰翳於兩旁紫鱗文貝風帆雨檣憧憧往來如人之
新沐而眉目增明秀也餘波溉田數百頃民獲其利昔之誦子
產者轉而誦君矣

至正四年照磨石處遁命曹吏朱榮甫修復壞圩三百六十餘

所江南通志

明洪武二年和州知州李相重修銅城牐江南通志附宋濂記之西

南九十里其鄉曰銅城濱大江江水暴溢民不得田昔人嘗築
土爲長堰以捍其衝鑿石作牐門貫以木榱視歲之旱澇而閘

開之田得以常稔環二百里皆為沃壤比年兵興銅城為往來
爭戰之場燹毀壘向之沃土皆化為荒穢之區四明李相由
京兆出守是州一以慈祥體拂之政撫摩其瘡痍且以為民之
生也恒以食為命無田是無民也銅城之蹠安可不急圖之乎
遂走白於江淮行中書省省臣是其議乃進父老於庭親勞之
為條教先築郭公壩以絕水源次鑿百福山以煨灰石然後大
集眾工而役之畚鍤如雲絡岸蔽川不待督程各趨厥事勤止
無節齊之以鼓刻日而成遙望之猶堅城隱轟起於雲際也以
尺計之蹠高二十有二廣一十有八長二百有奇其高視蹠有
石為臺以禦迅湍其補築東西堰凡七百有奇其高視蹠有加
趾之廣視高則六倍之別建屋二楹龍王廟一區廟以從民祈
禱之欲屋以居守者使司其啟閉經始於洪武元年十一月庚
申訖工於明年正月己巳計工八萬九千八百九十皆出於有
田之家匠石之費亦視田多寡而均賦之州民相與謀予文刻
諸石用昭守之功於無窮使自今以往守茲土者讀斯
文而增修其事則斯蹠可久而弗壞未必非一助也

永樂間戶部尚書鄺埜督夫二萬濬芍陂

江南通志

八年詔修圩岸以備風濤

江南通志

正統元年廬州知府王仕錫築黃金城蹠

江南通志

和州知州朱沅修銅城蹠

江南通志

天順八年休甯縣人汪世甯築兗山塢江南通志附吳寬記休甯縣多山

山中之田其勢因山以高而雨水不多得也幸而兩崖之閒有渠可以溉田然源上而流下不啻若高屋之建頽其勢特瀉而去也乃有障之之法而竭以築塢即堰也縣人之語然耳此法

既善而其利且多及夫春夏之月上源淦溢下流湍悍所謂竭者或薄與狹且衝激以壞則屢有築之之勞而人亦困蓋縣之

東南曰兗山有水自遂安白霽嶺而來歷百餘里入浙河而去至此流甚急而其渠甚閼竭之築始難為功前此成而

復壞者不知其幾矣里人汪志德世甯讀書義而多才識嘗以改築塢事言於縣縣令信之委為竭長乃率其眾籍於官計

田畝出財力二竭先後從事起於天順壬午之秋畢於甲申之冬其渠長及四里補缺塞漏不遺餘力於是水道既修天時無

患田率有秋里人德之世甯因其弟新昌令世行至京師請記其事以示後人俾勿壞

成化二十一年石埭知縣蕭環築南洪口陂江南通志附張輝蕭侯

陂記縣治之北曰故院環城附郭田以萬計賦以百計舊有陂隙借民力於故院陂之下築堰鑿溝引水以灌田可乎眾皆舉

手加額乃上其事於巡撫可其言於是捐俸資貲倉廩然後以十夫為甲十甲為總以董之計其田之多寡水之遠近出金以

償之寅符協同爰命工於治南洪口築陂一處鑿井一而深三

尺達三里許兼舊溝而濬之不數月而功成民仰其利作歌以頌侯又費石扁爲蕭侯陂請記於予予惟侯自下車政皆仁愛以民所欲在水利尤倦倦焉若巫園若烏龍凡十餘地皆無賦侯令民築之使有備無患今復修此溝堰以利民食足而賦足其利澤不亦遠乎

正德十一年池州知府何紹正於城西新河口築隄長四十丈

高三丈以障江水人稱何公隄

江南通志

十二年知和州黃標修銅城厠

江南通志

嘉靖元年安慶知府胡纘宗開潛山縣吳塘石渠

江南通志附汪偉

記潛山縣有故堰曰吳塘因潛水隄匯而渠之以溉田凡三千七百餘頃土疏善崩渠壅水行弗利則怒而留其隄歲苦決有旱熯憂安慶府胡侯治郡之三年閒行部至潛山縣令許儼白吳塘之役侯相其地宜曰不一勞者不永逸乃改築於上流鑿山麓之石爲渠順其性安流徐行以達於土溝以灌於田歲乃大熟矣於是民歌之曰郡有賢守鑿石渠石堅渠深水平趨工不再興田常濡私足粒食官無逋昔爲吳塘今姓胡千秋萬年名與俱今來請記曰俾後之人有考也予考圖志吳塘始於漢末廬江守朱光及讀劉馥傳建安閒劉馥爲揚州刺史嘗募七門吳塘諸隄以利稻田至今潛人但知光而不言馥豈馥於

七門之功鉅故遂掩吳塘耶夫七門實始於漢胡侯信覆因舊而修復之耳史不錄信功而舒人併祀之惟謹是史或有遺而功德結於人心者不磨也侯因吳塘而縣為石渠又有烏石堰者修築堅厚倍於舊功不在諸賢後民豈忘之哉

二年劉欽順增築廬州府洋萍舊隄又開溝以通規溝八棱溝

江南通志

四十三年宣城知縣羅汝芳築圩於青弋江畔人名羅公圩附

府志

四十五年建平知縣趙佑卿修築山陽等圩江南通志附史際碑記

廣德之地勢西北下而建平為受水之衝水由南湖西入江塞口兩江當湖之下流為門戶隘不可洩則衝激潁洞而為害不有以障之建平得耕而食耶建平之田為圩七十二嘉靖庚申大水驟者十三故往往他郡稱大有年而建無全稔其山陽藩城楊學三圩則為田幾五千畝而圩之壞至十餘里民不得佃東華趙侯之治建也政平而人信稍稍以圩之廢聞前此非莫聞聞而莫有主其事者蓋難其始復虞其終故人重自愛惜而茂能出身當之也侯之始事齋祓而誓於眾曰所不為建終事者有如圩時應天節推願菴以均徭至侯建白焉節推與之技視其所民從而請且泣者數百於是議以其事上於州上於臺

院悉俞其請工取諸民之有用者食取諸邑之義倉先是義倉之米數萬當道因無年議賑恤但賑恤止於一時築圩垂諸百世當道是其議聽令便宜侯因不避風雨經始於丙寅年之春成於是年之夏不數月而三圩之田有驅翼翼有禾或或他圩亦井然一新歲乃大熟蓋嘗論之人惟私有所顧恤則雖習常安故而朝夕之問臣儲倉也一老卒巢樓而守之牛豕之跡交西有敗室入視之廣儲倉也一老卒巢樓而守之牛豕之跡交道其下歎曰吏非不知食之宜理重自浼也使今之當吏者皆如是國胡以賴當侯之倡此也汗萊之場茫乎不知其淫畔計工焉將煩民計食焉義倉之米不易動稍以向之所云利害者交乎其心其不至蕙然而自替者蓋寡乃侯之精誠足以通於神明而其智與才又足以就之百年之廢興於一朝仁人之心志士之事也

隆慶中貴池知縣姚孟賢濬新河

江南通志

隆慶中涇縣知縣開承流壩溉田二千畝

江南通志

萬曆三年舒城知縣姚時鄰修水利自七門嶺至十丈陂並增

築江南通志附盛汝謙記舒為江淮要道廬郡塞邑也西去層峯翠

源頭出自西山峻嶺之下勢若建瓴奔騰涌潰棄頓侯分封是邑走西南見小瀆大溪下有石源如門者七乃分爲三堰列爲

九陂諸爲十塘而壩而溝而衝灌田三千餘頃至三國時水泛
濫如故得魏劉刺史馥更加修築明時水復爲患得豐城劉公
顯增加疏導迄今百餘年矣河勢漸下有陂塘爲道路者有壩
堰爲沙隄者有民閘侵占致妨水道者有洶涌湍激而淪沒故
址者有壅塞橫漲漂流民舍十餘里者萬歷乙亥姚侯來牧茲
土喟然歎曰食者民之天也水者食之源也水利不興有司實
任其責乃條陳申府及院及部莫不允其議而速其行侯於是
同治農主簿趙應卿舍郊野歷險阻偏故老田與而諷之直窮
水之故道由七門嶺以至十丈等陂則爲修理由柳楊鹿角以
至黃泥等壩則爲疏通由含慈而路沛等處洋萍陂而六衝等
壩則爲還官他若行水過溝如新壩類難枚舉者又悉躬閱挑
築但見高者平淺者深侵者復泛濫者消除淤填者灌漑水由
地中行而歲見有秋矣

四年舒城知縣姚時鄰重築洋萍陂

江南通志

萬歷初總河侍郎潘季馴重修泗州周家橋壩與高良澗古
溝等後緣泗水大發議開周橋洩之者老具狀極言不利南河
郎中黃曰謹具辨開橋一疏事遂寢諺云東去不妨開海口西
來切莫放周橋

明史潘季馴傳附寶應治水或問略

或問寶應之水治將何先曰欲開屬

洞先濬支河欲濬支河先開海口其勢應然也蓋周橋入淮遜
濟納黃源源而來者不得不分洩東鄉為運道計則上河之水
由諸驢洞而下注者消滴漸之支河邇其出口不過東洩牛灣
北注葫蘆港已耳而上口鯨吸不止奈何不患腹脹之病乎故
驢洞之外非支河不洩支河之水非海口無歸誠多開海口分
頭走逸則漲水消民田出矣或問周家橋有無貽害高寶曰周
橋與高堰固一帶耳終在泗之東南節年淮水暴漲從堰溢出
輒漫諸湖去秋尤甚時西風連作鼓浪決隄高寶興鹽之田花
然巨浸此漫溢之害已若斯假令大開周橋
縱洩淮水何異開門而揖盜救焚而益薪耶

四年巡按邵陞修易泗州城外土隄以石又建石橋二通以時

啟洩民德之名曰邵公隄

江南通志

九年無為知州查志文築神塘隄

江南通志

萬厯九年南陵知縣沈堯中築北關堰十一年築萬年堰十三

年築西溪堰

江南通志

萬厯中池州理刑秦懋義築翠微隄兵備副使馮淑吉築千柳

隄貴池知縣王啟棠修千柳隄

江南通志

池州知府趙安治查村堰淤淺者浚之曲防者撤之灌田一千

三百餘畝

江南通志

萬厯中休甯知縣魯點築陽山隄

江南通志

附邵庶魯公隄記

周禮

穿山林川澤之阻達道路設溝涂樹之林以爲阻衛夫非以其

闕國家利患哉豈惟天下邑亦宜然我休山多土瘠平原沃野

屈指可窮則民實利之西去邑治五里許山曰陽山云下多古

墓厥田平曠蕭梁以來故有寺卽以山名寺松蘿障其北野江

帶其南故抱鳳皇山而東宋邑治在焉頃歲江流石遷從石人

落石南下故道漸爲桑田山口有橋曰舊桂以匯取流山灣有

亭曰紫陽以記田賦四方來遊白嶽必經於斯且爲池陽豫章

孔道嘉靖間邑成城垣殖者利一時便宜陶茲道側後遂爲所

據山川形勝欲然失色見者莫不四顧而嗟世遠相沿膏壤幾

盡以故潦水泛溢道路傾頽輿不得方軌馬不得並轡行人重

足而步履指爲畏途凡四方驛屬擔簦乘車策杖而來者趨避

隅輒崎嶇而過邑侯魯公下車令民修築東補西崩未數厥害

城西兩太學汪生以先世封樹在懼其浸潰靡所底止於是帥

子弟上書言爲害狀越月侯視事西郊目之所擊果符上書狀

太息久之令下陶者遠徙兩太學喻侯德意疏請修築自蓄桂

橋迄紫陽亭丈五百有奇鳩工采石隘者廣險者坦踰二年而

隄成平若砥長若虹蜿蜒若遊龍隄畔崇壇爲亭以憩行者東西

相距屹然中立明年種桃植柳夾岸皆綠樹扶疏清風披拂遂

成我休負郭勝槩獨耕不失畔若與若筆若徒若負擔若掘
載若乞靈而登封釋繹乎熙熙乎如登春臺而遊康莊矣行者
色喜而呼曰魯公隄識侯之再造也侯治績最著今入為司農
兩太學與子結姻家好屬子紀顛末勒之石以志不忘予惟是
役也五美具焉以蘇地脈以障水患以復田疇以利行人以增
形勝司險氏所必稽而實民牧所宜有事也贊之古昔若楚則
孫叔敖之起芍陂漢則召信臣之約南陽唐則李襲之築雷陂
宋則范希文之隄同泰要之皆是役也魯侯不扭於苟安不難
於積藝一旦毅然與民更新即謂古名臣舉事誰曰不然嗟夫
天下事大都始乎一稊卒乎滔天始乎徐徐卒乎陵替而不復
振駭於隨而成於斷獨一隄然乎哉侯保障吾休隨處安堵茲
上奉內召桑土綢繆素所樹耳奚俟不佞治美為乃蔽蒞豫陰
吾民永賴斯隄也洵侯之甘棠也夫侯名點字子與別號樂同
為楚南漳人同子登進士兩太學仲名應時季名應邦以尚義
世其家注得備書見隄所由成與所由名云

萬厯二十七年建平知縣朱之楫築浮塘湖

江南通志

三十五年歙縣知縣張濤築隄成人稱張公隄

江南通志

萬厯三十六年當塗知縣朱汝鼈修築官圩隄岸畫段分工高

三尺

隄岸無僅高三尺之理疑高上脫加字

闊倍之作中心埠自青山屬黃池為

官圩西岸至今賴焉

江南通志

四十七年修築宣城縣諸圩

江南通志附湯賓尹記略

水四集其鄉東壩居其委流復代三吳諸水其下贈窮瘠而上應天子正供獨諸圩是賴金寶一圩計畝可十三萬其餘牽連相輔以成圩可百十夫圩與水爭地者也從國初至今人民漸稠壑藝漸博圩之數日多則居水之處日減居水處日減則其激而省耕省斂問民疾苦鄉三老以下教宣城曰若為天子牧民官小使者一方失養其責在某已下教宣城曰若為天子牧民官小民失養在若於是宣城縣令賴侯良佐親詣水鄉周行按視盡得其須潰衝決之數自避浪保安寶成以迄諸圩凡一十七所估工修葺合之凡一千七百餘金以上直指公公立發贖金首事撫臺胡公應臺甯太道蘇公進郡縣各捐助有差仍不足者民閒計畝佐成之公又為畫一之禁民領費官督事舉葦無緩摘植無邀崇廣支擘句股合宜暨於事竣水防循理厓埒得職其年潦而不害

國朝順治中池州知府梁應元修翠微千柳二隄後知府顏敏重

修

江南通志

九年宿松知縣孫繼文督修蓮花荆橋羅隱諸塘

十八年潛山知縣常太忠遷吳塘堰江南附志金闕碑記吳塘陂

末朱廬江而修於建安劉刺史偉哉前人之功高不朽也及讀

陂碑石金壩玉渠溉田三千七百餘頃所載郡伯胡可泉邑侯

于刑陽修築之事甚悉然皆因勢利導修殘補缺不至勞師動

眾創起非常也前明之季水留隄頽沙高水壅所謂玉渠金壩

者不可復認而告旱告澇歲無餘日己亥春我常侯之令潛也

靡利不興靡廢不起越二年親歷經營相地宜酌水勢乃進居

民而導之曰不一勞者不永逸非僅依傍前人拘攸成案因陋

就簡之可塞責者於是過吳塘五里而築新隄起新陂遷其堰

於兩口之街口自捐俸倡率外計戶口起工照丈冊引費無利涿

供億之煩有畚鍤版築之便無偏枯騷動之擾有鑿鼓鑿之

歡權輿於辛丑冬而告成於壬寅夏旱澇有備蓄洩有防石田

變為沃壤泛濫歸於安瀾事半功倍費省利周不止可泉之

石成隄邪陽之因山起耳

十二年壽州知州李大升重修安豐塘江南附志李大升記安豐

楚令尹孫叔敖所作之芍陂也塘周數百里受洙淮泚三水之

支流而下蓄洩以時可灌田數頃自明季以來新倉之口決引

水之河淤民不獲其利者已三十餘年余自癸巳夏來守壽郡

詢諸利弊紳衿士庶皆言此塘乃壽土第一利余欲舉行而未

之逮禹至乙未春乃得親歷其處相視廢壞之所量工程捐俸

入選夫千餘先疏河道之壅塞者一百四十餘丈潛水通流方

築新倉庫子門二決口高厚約十數丈有餘長俱不下百尺許
又爲之理其門廂補其塘岸不月餘大略粗具余始具文報於
兵憲沈公公喜甚亦捐俸飭修意在利求萬全績垂可久必不
爲目前苟且計也余隨與州佐議再加巡葺會值大雨水勢突
至功難驟竟然塘水以盈環塘之民皆負耒而耕秧田徧野是
歲夏苦旱惟安豐一帶全獲有收至八月月中仍即其功之未完
者更爲整頓疏近塘之河土高者十里有餘其減水大牐中心
兩溝胥一一浚治保其久而弗替不能不有望於後之君子

十七年修築當塗廢圩更名忠惠圩令有司不時培護會典

康熙二年和州知州楊繼芳築永威士旺兩圩江南通志

十年增築宿松縣蓮花荆橋諸隄江南通志

十一年望江知縣劉天維修築西圩江南通志附龍變記邑東北有西圩者居

民數千家衣冠世族多萃於此以田論之計三萬七千餘畝地
勢卑下潛太之山洪注焉池皖之江漲匯焉民居國賦惟隄是
賴先年立十二甲照畝編冊分隄內有上下二隄三湖蓄水惟
下阪水歸之壑遇湧爲災明天啟開邑令方懋德親臨圩隄目
擊形勢始開牐洩水下阪乃蒙利焉至順治四年一潰孝廉檳
志獄生員吳之份等白道憲石公郡守桑公邑令趙汝璽檄教
諭江秉一築之迄今二十餘年累潰累修亦旋修旋潰豈功實
難成抑所以經理者未盡善耶王子春劉侯甫下車問民疾苦

雷念圩隄或有謂工可緩者侯曰不然今淮揚之被水患者數年矣余何敢坐視爰進圩中諸父老商榷形勢委官修築之凡所以經營相度者悉秉侯之心計不啻目營指畫焉畚鍤雲集不日竣工堅固什倍於時昔由是水不能災農獲有秋而正供無缺額矣夫一圩耳向以累年修之而不足今以一日葺之而有餘利澤之興豈不以人哉誠使良法美意踵而行之吾且為歌馮鹵生

建平知縣高自遠修築東門隄

江南通志

桐城知縣胡必選修築城北河隄江南通志附必選修河紀事桐城望邑也城北有河發源於龍眠諸山由是而東而南匯太湖達長江其支流所引為西南疆畝水利第春夏之交眾流合眾激漲若雷數年來直衝北郭下駁駁平有內留城隄之患矣必選自丙午冬承乏茲土登城省視即以水害為慮爰具文請諸各鄉先達並謀之耆老做昔人疏濬之法日募工若干深浚河行故道束之使不得出鱗修水華復為雄傑作干城無如河勢甚或奔放潰決其為城之患猶夫昔也乃更捐餐措費禱神興工命鄉耆等董厥事登之以石實之以礪鎮之以鐵屨之以松依城為隄而深固其防不使陽侯之虐得肆其恣陵幸賴司寇姚太常程刺史彭軀部陳暨諸先生急公捐助左提右挈民咸欣欣樂赴而遂臻厥成是役也始於壬子夏報竣於秋其隄長七十有八丈深一丈有三尺橫互稱之

二十三年五河知縣鄭鼎修南湖壩江南附韓竹記凡水之利

可以溉疏之則外可以洩獨五河一邑河壩居十八則二分

未必得疏而可疏而去之疏又不可也邳君來撫茲土相濳河

人淮之口有南湖者其上流雖有玉莊湖暨小河赤龍湖一帶

之水然歲旱則皆可耕之田也南湖之尾為蔣家壩即入淮之

口作隄以障淮者歲太潦內外水皆至則田成巨浸若內水不

至湖可全耕獲也即不大至而半獲焉得利且不鮮侯曰是則

不可為也已耕故有土隄然數圯且不能時啟閉侯曰是非石

百金僚佐以下助有差遂酌其地之高下田之多寡亦均其所

輸費之壇者偵之壤民悉爭輸其地其所也至於役民之力亦視

乎地而又恐勤惰之不齊畢分丈尺俾各有定費而無所誘趨

事者由是盡力再歷寒暑隄以告成既成時值六月霖雨不輟

淮大漲內水亦暴至眾曰水尚高三四尺許隄圯則下田之水為

患下田誠不可療顧外水尚高三四十尺許隄圯則下田之水為
上者為沙灣且將盡沒可數百頃獨奈何高者不益之長而
不衍之長哉爰又培土數尺而淮水數漫而數卻也方侯之率
眾增築也猛風捲浪暴雨連天陰霾夜黑掣電爍光內外數十
里洪濤中懸一線危隄寄身於蛟龍出沒之所諸人無不惶惑
恐懼廢然思返侯顧神志倍旺心思倍密氣力倍壯此非愛民
之誠兼以定力曷克臻此此隄一成內無水而下田利即內有

水而高田亦利後來賢侯但一增卑培薄利不將萬斯年乎

二十七年徽州知府朱廷梅修漁梁壩通志附朱廷梅記東倚

山西南北三面距新安江以置郡治江合歙黟休甯祁門績溪

五邑之水大匯於歙浦以入於浙為灘三百六十地極陡峻水

無停流宋嘉定間郡守宋濟去郡南二里聚石立欄以遏下流

後守憲甫繼之更議疊石為壩未及興役而去甯番錢萬五千

聞於朝俾繼者成之元明又復圯壞宏治間郡守張正出帑錢

卽故址重砌以石凡九層蓄水二里錢塘倪公岳記之未三

年復圯郡守彭澤乃去壩棄中砂礫實以方石下流更為梯級

用殺水勢楊公循吉記之至明末亦圯自後守茲土者不敢議

修復非怠事也工大費繁民不堪任予不佞承乏茲郡皇皇憂

之慮民氣之不靜民俗之未醇吳太史告子曰漁梁不修徼俗

將日敝為歷言往事多有明徵子甫下車卽申請撫憲並致書紳士之家廣陵者紳士誼篤維桑慨任工費予喜出望外於是循江而觀逡巡周覽擇吉祭告以戊辰正月八日開工得吳子崧汪子士鉉吳子瞻泰做嚴郡之石梁規制縱橫各半中為趙背而坦其脊更擇石於城之北鄉色青而理堅斧鑿不易施補鍊實腹成以之舊石屏不用左右蓬卷凡青石二十餘層闊三丈高半之橫互二十倍內固外密上為二水門於是瀉者湍奔趨者止都以西渟滌浩瀚儼乎巨浸而功以告成郡紳士請予志之子謂是役也為六邑資灌漑而且學校以光民生用遂予得藉是以上報聖天子眷顧之隆與好義諸公共成其

美襄事諸子樂觀其成
卽以爲不朽盛事也可

五十年巡撫梁世勳開懷甯秧草溝河人名梁公河

安慶府志

五十九年加甯國東溪石堰

江南通志

雍正五年八月兩廣總督孔毓珣奏江南鳳陽府屬之宿州靈璧縣應疏濬溝洫奉

旨著江南總督范時繹確查被水之民加恩賑恤並將應行疏濬之水

道相度修治使積水暢流不爲民害欽此是年布政司噶爾泰遵勅

庫銀二萬兩親赴靈璧縣之固鎮起由溧湖鋪至宿州之任橋

八里座大店驛至宿州之北關符離橋止逐一查勘據土人云

一路兩旁之水俱由滄河五河淮河經洪澤湖出清口入黃河

歸海當經丈明檄鳳陽道何宗韓鳳陽知府刁承祖委官分督

用銀五千八百七十三兩零疏濬溝洫俱極深通

江南通志

十三年亳州知州盧見會督民疏濬境內溝澮

亳州志

乾隆三年修濬安徽所屬壽州蔡城塘鳳陽縣山河臨淮縣鹿塘滁州衛黃慶圩全椒縣張巴等圩廣德州秀水壩桐城縣袁家圩定遠縣響水壩等處

會典

五年奏准上江地方濱臨江淮地多山岡其閒鳳陽府屬虹縣枯河頭潁州府屬亳州乾溪溝和州大洋河姥下河牛屯河含山縣銅城牯河來安縣龍尾壩河均令開堰疏濬

會典

七年

上諭朕思江南水災之後賑卹乃一時之補救而所以安養民生者全在明歲之農功自被水迄今已經兩月雖水漸減退不爲大害而瀾漲之勢仍似從前若疏濬稍後機宜則今歲田地斷不能盡皆涸出小民春耕無望彼嗷嗷待哺者何以爲生況此時搭棚棲止於長隄

者豈可以久處亟宜講因地制宜之策其如何疏濬水道洞出田畝以安民業以奠民居著欽差大臣河道總督江南督撫妥議速爲經理欽此會典

八年奏准興修上江大川滄沱離等河疏濬潼河下游林子河謝家溝沱河並宿靈鳳等處大道兩旁官溝節節疏濬深闊取出溝土培築大道增建橋梁以通積水宿境之水導入滄河靈鳳等處之水導入淮河不使仍入沱河爲患會典

十一年奏准修濬濉河南北兩岸黃噴橋等處河道建設涵洞並潁州府淝河宋塘河蒙城茨河北淝河堰淺築埠建設橋梁會典

十四年疏濬宿州墨河會典

十九年太湖知縣吳易峯濬馬路河太湖縣志

二十二年侍郎裴曰修奏准挑濬泗州安河陡門謝家溝鞏家

溝長直溝荀家溝北潼河等處

泗州志

二十三年奏准宿州境內洪濰二河按年修濬歸官辦理於濬

庫匠費項下預發銀三千兩解貯廬鳳道庫撥用

會典

二十五年奏准宿州符離集池上彭家溝建兩空石牖一座

會典

二十九年奏准挑荆山橋河並建築橋壩

會典

二十九年

上諭荆山橋水利河道地屬江南向經奏明歸於河工兼管分應隨同

欽差勘辦且一切興挑事宜皆該督素所熟悉即著會同勘明詳晰

核議具奏

會典

三十二年題准挑挖宿州境內洪溝河濰河自徐溪口洪河尾

起至符離集止並挑挖南岸之砂礪河沙溝北岸之西流河彭

家溝等工會典

三十六年安慶西門外漳葭港歲需挑濬將城工餘贖銀二萬七千兩發商籌備以一分起息每年得息銀三千二百餘兩約十年還本其息銀仍發商生息以爲歲修之用會典

又奏准挑濬宿州境內西流砂礮等河會典

三十七年奏准江南洪溝河一道分派蕭碭二縣主簿宿州州同永城縣縣丞經管防護遇有河道隄堰淤淺殘缺照業食佃力例辦理責成道廳每年查勘督辦會典

四十六年奏准修築鳳陽境內臨淮縣西土壩會典

四十七年奏准挑濬泗州謝家溝沛河尾淤墊會典

四十八年奏准修鳳陽南首輒岸並挑濬新橋河道會典

五十三年奏准安徽藩庫所貯社倉穀價內提銀十萬兩借給

通省典商生息爲籌備水利工程之用每年造冊送部查核會典
又奏准疏濬宿州之北股河泗州之濰河以資利導會典

嘉慶十三年奉

上諭潛山縣屬吳塘堰土壩被水衝潰數百丈請借帑修理吳塘堰壩
保護田廬今被水衝坍自應趕築以資捍禦著照所請賞借銀五千
兩及時趕辦所借銀兩分作五年攤徵還款該撫當督飭所屬實力
稽查使工歸實在以資鞏固欽此會典

道光二十年桐城縣紳張寅等修築天定隄上接大成圩下接
陳家洲橫長千餘丈

二十五年署桐城知縣史丙榮修築豐樂隄四十餘里
咸豐元年署當塗知縣袁青雲稟請借款修築大官圩隄一百
餘里并築攤浪埠及品字壑

重修安徽通志卷六十九

食貨志

田賦

古無無田之民自秦變法而漢晉因之其規畫經制書不盡言至唐則授田有口分世業賦民有租庸調立法詳備殆駸駸乎有古意焉

國朝藏富於民恆以平賦薄征爲念皖省當東南沃衍之地塗泥宜稻凡穗秬米粟之上供

天庾者亦既野無曠土矣昨以軍興頗有荒廢然招徠開墾貸以牛種之資又蒙

軫念民艱允將安省漕糧暫改折色並議准各州縣徵收價直之數湛恩疊被纖悉靡遺洵爲前古所未有也述食貨志田賦

唐虞揚州厥土惟塗泥厥田惟下下厥賦下上上錯貢

漢高祖約法省禁輕田租十五而稅一漢書食貨志

景帝二年令民半出田租三十而稅一漢書食貨志

後漢光武建武六年令郡國收見田租三十稅一如舊制後漢書光

武紀

晉制戶調之式丁男之戶歲輸絹三疋絲三斤女及次丁男爲

戶者半輸男子一人占地七十畝女子三十畝其外丁男課田

五十畝丁女二十畝次丁男半之女則不課晉書食貨志

文獻通考按兩漢之制三十而稅一者田賦也二十始傳人

出一算者戶口之賦也今晉法如此則是合二賦而爲一然

男子一人占田七十畝丁男課田五十畝則無無田之戶矣

成帝咸和五年始度百姓田取十分之一率畝稅米三升哀帝

卽位乃減田租畝收二升

晉書食貨志增修

齊武帝時田畝租二升其量三升當今一升

通典

唐授田之制丁及男年十八以上者人一頃其八十畝爲口分二十畝爲永業老及篤疾廢疾者人四十畝寡妻妾三十畝當戶者增二十畝皆以二十畝爲永業凡授田者丁歲輸粟二斛稻三斛謂之租丁隨鄉所出歲輸絹二匹綾純二丈布加五之一縣三兩麻三斤非蠶鄉則輸銀十四兩謂之調用人之力歲二十日閏加二日不役者日爲絹三尺謂之庸有事而加役二十十五日者免調三十日者租調皆免通役不過五十日凡水旱霜蝗耗十四者免其租桑麻盡者免其調田耗十之六者免租調耗七者諸役俱免

唐書食貨志增修

元宗開元二十二年先是揚州租調以錢詔江南亦以布代租

唐書食貨志
增修

代宗廣德元年詔一戶三丁者免一丁凡畝稅二升

唐書食貨志

租庸調法弊壞自代宗時始以畝定稅而斂以夏秋至德宗時楊炎爲相遂作兩稅法夏輸無過六月秋輸無過十一月

唐書食貨志

五代楊吳順義年中定租稅厥田上上者一頃稅錢二貫一百文中田一貫八百下田千五百皆足陌見錢如見錢不足許依市價折以金銀并計丁口課調亦科錢朱齊邱以見錢金銀非耕鑿可得必與販以求之是教民棄本逐末耳是時絹每正市價五百文紬六百文綿每兩十五文齊邱請絹每疋擡爲一貫七百紬爲二貫四百綿爲四十文皆足錢丁口課調獨除知誥得書卽行之自是野無閒田桑無隙地

文獻通考增修

宋初盡削錢氏白醜之目遣右補闕王永太僕寺丞高象先均定稅數只作中下兩等中田一畝夏稅錢四文秋米八升下田一畝錢三文米七升四合取於民者不過如此

始蘇志

太宗淳化元年詔江南承僞制重賦流亡田廢者宜令諸州籍頃畝之數均其賦減十分之三以爲定制召游民勸其耕種給復五年

文獻通考

歲賦其類有五曰公田之賦官莊屯田營田賦民耕而收其租者是也曰民田之賦百姓各得專之者是也曰城郭之賦宅稅地稅之類是也曰雜變之賦牛革蠶鹽食鹽之類隨其所出變而輸之者是也曰丁口之賦計丁率米是也其輸之遲速夏有至十月秋有至明年二月者所以紓民力也

文獻通考

神宗熙甯間淮南路田九十六萬八千六百八十四頃二十畝

官田四千八百八十七頃一十三畝見催額四百二十二萬三千七百八十四貫石正兩斤秤角量領東江南東路田四十二萬一千六百四頃四十七畝官田七千八百四十四頃三十一畝見催額三百九十六萬三千一百六十九貫石正兩斤束

領

文獻通考

六年御史翟思言始趙尙寬爲唐守勸民開墾高賦繼之流民自占者眾凡百畝起稅四畝而已境內始無曠土近聞轉運司闢土百畝增至二十畝恐其勢再至轉徙望戒飭使者量加以

寬

宋史食貨志

高宗紹興閒江東帥臣李光言廣德縣秋苗舊納水陽鎮鄉民憚遠乞每一石貼三斗七升充腳牘就本軍送納立爲年額詔

蠲其半

文獻通考

三十二年知池州黃子游言青陽縣因南唐嘗為朱齊邱食邑

畝輸三斗後遂為額詔減苗稅二分有半租米二分

宋史食貨志

孝宗受禪詔州縣受納秋苗官吏多收加耗肆為姦欺方時艱
虞用度未足欲減常賦而未能豈忍使貪賊之徒重為民蠹自
今違犯官吏並置重典仍沒其家

宋史食貨志
新增

隆興二年詔溫台處徽不通水路其二稅物帛許依折法以銀

折輸

宋史食貨志舊
志作乾道今正

理宗寶祐五年行經界推排於諸路由是江南之地尺寸皆有

稅矣

續文獻
通考

元取民大率以唐為法取於江南者曰秋稅曰夏稅此倣唐之

兩稅

元史食
貨志

太宗定天下賦稅地稅中田每畝二升有半上田三升下田二

升水田每畝五升朝議以爲太輕耶律楚材曰作法於涼其弊猶貪後將有以利進者則今已重矣

元史太祖紀

世祖至元十九年用姚元之請命江南稅糧依宋舊例折輸絲絹雜物是年二月又用耿左丞言令輸米三之一餘並入鈔以折焉以七百萬錠爲率其輸米者只用宋斗斛蓋以宋一石當今七斗也

元史食貨志

二十四年減揚州省歲額十五萬石以鹽引五十萬易之

元史世祖紀

二十五年募民能耕江南曠土及曠公田者免差役三年輸租

免三分之一

元史世祖紀

募民耕江南曠土戶不過五頃官授之券俾爲永業三年徵稅

元史世

祖紀

二十八年命江淮寺觀田宋舊有者免租續置者輸稅元史食貨志

成宗元貞二年始定徵江南夏稅之制於是秋稅止命輸租夏

稅則輸以木棉布絹絲絲等物其所輸之數視糧以爲差糧一

石或輸鈔三貫二貫一貫或一貫五百文一貫七百文元史食貨志

大德閒江南民戶有田一頃以上者於所輸稅外每頃量出助

役之田歲收其入以充助役之費謂之助役糧是時江南歲入

之糧約四百四十九萬四千七百八十石鈔五萬七千七百三

十錠四十貫又詔括江南隱蔽田令輸租又詔江南佃戶私租

太重以十分爲率減二分永爲定例續文獻通考

明太祖吳元年諭中書省曰太平應天諸郡吾創業地供億最

勞其賜太平田租二年應天鎮江甯國廣德各一年明史稿太祖紀

土田之制凡二等曰官田曰民田明初官田皆宋元時入官田

地厥後有還官田沒官田斷入官田學田皇莊牧馬草場城牆
首舊地牲地園陵墳地公占隙地諸王公主勳戚大臣內監寺
觀賜乞莊田百官職田邊臣養廉田軍民商屯田通謂之官田

明史稿
食貨志

洪武初令官田起科每畝五升三合五勺民田每畝三升三合
五勺重租田每畝八升五合五勺蘆地每畝五合三勺四抄草
場地每畝三合一勺沒官田每畝一斗二升

續文獻
通考

三年諭中書省曰蘇松嘉湖杭五郡地窄民眾細民無田往往
逐末利而食不給臨濠朕故鄉也田多未闢土有遺利宜令五
郡民無田產者往臨濠開種就以所種田永爲己業官給牛種
舟糧資遣之三年不徵其稅於是徙者四千餘戶

續文獻
通考

十六年復鳳陽臨淮民世世無所與

明史稿
太祖紀

二十年覈實天下土田編魚鱗圖冊先是詔天下編黃冊以戶
爲主詳具舊管新收開除實在之數爲四柱式魚鱗圖冊以土
田爲主諸原阪墳衍下濕沃瘠沙鹵之故畢具魚鱗冊以爲之
經土田之訟質焉黃冊以爲之緯賦役之法定焉凡典賣田土
備嘗田土稅糧科則官爲籍記之毋令產去稅存以爲民害

明史稿食貨志

新增

二十四年除應天太平甯國鎮江廣德五府州官租之半

明史稿太

祖紀

三十年更定鈔三貫五百文准米一石金每兩准米三十石銀
每兩准米四石棉花一斤准米二斗

明會典

成祖永樂十一年令各處折徵糧金每兩准米三十石闊白棉

布每疋准米一石五斗

明會典

宣宗宣德四年詔各處官田每畝舊例納糧一斗至四斗者各減十分之二四斗一升至一石以上者各減十分之三

明會典

英宗正統元年令浙江直隸蘇松等處官田准民田起科每畝秋糧四斗一升至二石以上者減作三斗二斗一升以上至四

斗者減作二斗一斗一升至二斗者減作一斗

續文獻通考

四年江西浙江福建併直隸蘇松等府凡官民田地因有水坍漲去者令所在有司逐一丈量漲出多餘者給附近小民承種

照民田則例起科坍沒無田者悉與開豁稅糧

續文獻通考

十年令應天蘇松等府州該徵草束內折色米豆量爲存留本

處備用其本色起運戶部交納者每束折銀三分

明會典此即條鞭內

馬草之項 安慶府馬草一十九萬一千九百七十三包五斤
八兩六錢零 甯國府馬草七十九萬八千六百三十三包七
兩零 池州府馬草九萬八千三百六十七斤一兩零 太平
府馬草三十五萬五千四百四十九包五斤一十五兩五錢零

廬州府馬草九萬八千三百二十七包一十二斤二兩八錢
鳳陽府馬草二十三萬四千二百九十三包四斤二兩八錢
錢零 滁州馬草五萬六千四百四十一包九斤一十四兩零
和州馬草二萬六千二百三十八包五斤一十三兩一錢
廣德州馬草三萬三千四百一十五包九斤五兩七錢零

金花銀卽洪武初所折糧者俱解南京正統五年始自南京改
解內庫夏秋麥米共四百五萬九百一十九石一斗一升二合
每石折銀二錢五分共折金花銀一百一萬二千七百二十九
兩七錢七分八釐一毫明會典

孝宗宏治二年令太平府當塗等三縣官田糧每石減耗米二
斗五升民田每畝勸出米一升甯國府宣城等六縣官田糧每
石減耗米三斗民田每畝勸出米一升廣德州並建平縣官田
糧每石減耗米二升民田每畝勸出米一升五合續文獻通考

宏治年間安慶府官田四百九十一頃六十二畝二分三釐民

田二萬一千三百九十三頃三畝八分四釐夏稅小麥一萬八千九百九石三斗七合二勺農桑絲折絹三百五十三疋二丈九尺秋糧米一十一萬二千八百六十二石九斗八升四合

徽州府官田八百二十一頃五十七畝四分六釐八毫民田二萬四千四百五十五頃九十四畝六分三釐夏稅小麥五萬一千四百九十八石七斗一升二合一勺人丁絲折絹八千七百七十九疋四尺三分三釐二毫農桑絲折絹一十五疋一丈四尺七寸秋糧米一十二萬一百三十三石八斗六升三合三勺甯國府官田九千七百七十一頃八十八畝六釐二毫民田五萬九百一十一頃九畝一毫夏稅小麥二萬九千五十二石三斗六升六合農桑絲折絹三十疋二尺零絲三十三兩三錢稅絲三百四十斤一十兩七錢四分二釐六毫秋糧米七萬四

千二百六十二石六斗七升一合九勺 池州府官田一千八百二十三頃五十七畝四分九釐三毫民田七千九十六頃五畝六分五釐八毫夏稅小麥六千八百二十四石七斗五升七合八勺五抄二撮稅絲折絹一十五疋農桑絲折絹一百九十疋八正零絲一兩一錢九分七釐農桑絲三斤一兩八錢五分秋糧米六萬一千三百七十二石八斗九升五合八勺山租鈔二百四十四貫三百七十九文 太平府官田四千四百五十五頃六十三畝四分二釐三毫民田一萬一千七百八十八頃一十九畝七分九釐夏稅小麥一萬六千二百七十六石五斗六升絲絲折絹一百二疋九尺六寸四分二釐秋糧米三萬三千六百三十六石七斗四升七合一勺 廬州府官田五百六十八頃七十六畝一分七釐七毫一絲民田二萬四千八百六十

一頃六十九畝八分夏稅小麥九千八百七十二石一斗四升
三合九勺五抄三撮農桑絲折絹六百八十七疋一丈三尺二
分六釐二毫五絲秋糧米六萬六千八百三十七石二斗一升
二合六勺九抄六撮八圭五粟九微 鳳陽府官田一千五百
八十五頃五十六畝民田五萬九千六百七十七頃一十畝七
分六釐七毫夏稅小麥九萬九千三百五十八石七斗七升五
合八勺六抄五撮五圭稅絲折絹一千三百三十疋一丈八尺
七寸五分六釐一毫三絲二忽五微農桑絲折絹一千三十五
疋四尺一寸五分秋糧米一十一萬三千五百八石六斗五升
九合一勺七抄四撮五圭 滁州官田二百四十頃六十五畝
九分七毫民田二千六百七十二頃二十七畝九分二毫夏稅
小麥二千五百七十八石五升八合七勺一抄四撮七圭七粟

秋糧米五千八百九十二石九斗一升一合一勺六抄八圭五粟和州官田六千四十八頃一十三畝二分七釐九毫民田五千八百四十三頃五十六畝二分六釐七毫夏稅小麥一千四百二十四石六斗六升八台九勺農桑絲折絹九十九疋二丈七尺二寸六分秋糧米九千九百五十石五斗四升五合八勺廣德州官田一千三十九頃三十六畝六毫民田一萬四千三百六十四頃九十三畝八分夏稅小麥三千六百三十二石三斗八升八合四勺一撮絲一百一十六斤二錢九分六釐二毫農桑絲折絹一十九疋一丈六尺七寸秋糧米一萬四千六十六石二斗九升二勺五抄

續文獻通考

嘉靖十四年詔改折南京漕糧

明政統宗

起解京庫折色銀鳳陽府廬州府安慶府太平府甯國府池州

府廣德州小麥每石折銀一兩米每石折銀六錢徽州府麥米

每石折銀二錢五分

明會典

嘉靖四十二年將嘉靖四十年四十一年額派南直隸浙江江西湖廣四省錢糧及開納事例併節年會議條陳等項銀兩其四十二年分併帶徵三十六年分錢糧完者起解未完者嚴催候一年滿日通算約以十分爲率未完四分者布政司掌印管糧官俱降俸二級移咨吏部不許推升追徵完日舊支俸未完六分者俱照不及事例降一級起送吏部調用未完八分以上俱革職爲民其餘府州縣掌印管糧官亦照此例監兌主事催督錢糧通以一年爲限查將未完錢糧應參官照依前例分別參奏以憑戶部議覆施行

明會典

隆慶間以江南巡撫海瑞議將一概合用均徭均費等不分銀

力二差俱以一條鞭徵銀在官聽候支解

明會典按此為條鞭之始

萬歷中年三大征接踵四十六年驟增遼餉三百萬內帑充積
帝靳不肯發戶部尙書李汝華乃援倭播例畝加三釐五毫明
年復加三釐五毫明年以兵工二部請復加二釐通前後九釐
增五百二十萬遂為歲額

明史食貨志按此即條鞭內地畝銀之項

明初令天下農民栽桑麻木棉不種桑者使出絹一疋不種麻
者使出麻布一疋不種木棉者使出棉布一疋後奏准桑麻科
徵之額麻每畝八兩木棉每畝四兩栽桑者四年有成始徵其
租十八年議農桑起科太重今後聽從種植不必起科二十五
年令鳳陽廬州和州滁州每戶種桑二百株二十六年定凡民
閒一應桑株各照原例則例起科絲絲等物每歲照例絲絲十
八兩折絹一疋正統八年令南直隸農桑絹疋始納折色每疋

折銀五錢

明會典 按此卽條鞭內桑絲之款

永樂三年令各府州縣官民人等戶口食鹽各隨地方徵收米鈔四年令食鹽官民人等一體見丁納鈔支鹽大口十五歲以上月支鹽一斤納鈔一貫小口十歲以上月支鹽半斤納鈔五

百文

明會典 按此卽條鞭內鹽鈔之款

國朝順治二年欽奉

世祖章皇帝聖諭本朝平定江南其土田規則悉用前明之舊以萬厯中賦額起徵仍蠲本年稅額十分之七兵餉十分之四其明季無藝之徵盡永除之

四年一切折色徵銀行吏收官解法按明季收銀僉點殷實人戶充當銀頭令其值櫃收銀飯食紙張恣行賠累拆封之時或有短少責令賠補至是痛革前弊縣點櫃書一人擇老成者充

之在櫃山票登記流水號簿里甲赴櫃完銀遵照司法自封投櫃卽給印票令其歸農凡一切收拆貯解官吏任之與民無關民困遂甦

七年議准免江南桐城潛山太湖宿松休甯等縣逃丁荒地額賦

六年

上諭各處逃亡人民查地方無主荒田州縣官給以印信執照開墾耕

種永准爲業

全文恭錄
皇言紀

九年奉

旨江南賦稅各項本色責成布政司每年於一月之前確查時值據實估定申報督撫咨部查覈一面徑行所屬州縣照估定時價徵定解交藩司選委職官領銀採買物料裝運解部

十年改折三梭三線布銀其本色布正俱照時值估辦改定料價折色銀應辦本色起運者亦隨時估值申報大吏覈實編徵康熙元年戶科給事中柯聳請行均田均役之法

三年准科臣吳國龍疏凡州縣派各部等項下錢糧悉歸司農總其成往例各作十分奏銷自是總作十分奏銷

四年安慶巡撫張朝珍奏免新升當塗縣忠惠湖田包賦奉

旨豁免仍以湖蕩照舊完蘆漁二課

附疏略

臣惟任土作貢古今通義因民利國王政所先時或

勸墾荒蕪必使民先有其地而後可以辦納國賦未有以湖作田勸民包課者也如臣所屬太平府當塗縣忠惠湖舊有丹陽湖也歷來額輸漁課銀三百一十四兩七錢零刊載全書解充兵餉順治十二年任蘆政衛貞加徵蘆課銀一百七兩一錢零順治十五年蘆員又任巡按令長樂縣周團丈量作田三萬一千餘畝高潛縣認墾四千餘畝當塗縣認墾二萬七千餘畝三年起科辦納地糧具題覆准在戶部止據按臣所報咨能辦漕在工部又有既納蘆課何以忽又歸漕之咨使承事役者實出兩難至康熙元年當起科之期戶部屢咨嚴催高潛業已刊報由單當塗豈能獨異臣亦惟有嚴督刊入由單按察起

徵無柰湖民紛紛控告及池太道劉三章知府胡季瀛知縣葛元福節次呈詳大略言丹陽湖三面受水地勢最窪夏秋水漲活潑瀾漫冬春水涸一片爛泥止生菱草原納草場漁課屬之工部項下前被新按院為蘆政時加徵蘆課已是一地兩稅及巡歷當塗勒令該縣督民築堤完成水國窮民何能包賠非填溝有奇然水發衝旋築旋圯究成水國窮民何能包賠非填溝壑則死他鄉上貢朝廷生青下累有司考成等語臣未敢輕信復合該道移查高潮納糧事例去後隨據同詳淮江甯道行據江甯府詳陳丹陽湖出水納水之源歷代勞民之弊迄無成功則湖之不可為田固已彰明較著矣順治十六年衛拔院題請開田改名忠惠部覆照例升科藩司遵催刊入由單然一目汪洋既無可耕之田焉可責成輸稅此楊京茂有稅命兩縣之控也伏乞轉詳撫院咨部定奪庶兩邑百姓無追呼賠補之累永戴生成實非淺鮮等語臣始知高潮亦未闢築成田也然戶部咨催嚴迅臣督令當邑於康熙二年刊入由單乃徵元年額課竭力追呼終莫能應要知無地之賦而欲有司違心敲朴難乎其為民父母矣迨臣巡歷太都有鄉民數百連名狀共八十五張環署號呼慘不忍聞臣諭以親往踏勘果真當為兩民請命眾始稍散去郡事既竣臣率同府縣各官舟行八十里至丹陽湖周圍熟視左右皆湖乃舒泉桐水吳漕水三湖匯合之處地勢窪下水漲之時必成巨浸閭閻新築墜埤大約高一丈七八尺詢之土民云大水發時猶從堤面漫過況埤尚未築成乎圩中閒有蘆草然非炊爨之蘆自然而生乃織席之蘆亦須人工插種其所生菱草止可糞田再則藉水捕魚而已由此觀

之則前此湖民控告與道府縣歷歷呈詳為不誣也其高溝地
界一望之勢雖稍高然亦防水冲溢徒費人力至今未嘗耕種尚
為一片荒蕪以此江甯府前詳又鑿鑿可據也夫因地取利因地
利之盈縮以取賦此聖王之不易之政故田地山場各有等則索
何以汪澤國強民築堤以成田怒騰冲溢旋築旋頽即不惜
民命然一派低窪之圩有何神術可以豫積乎在衛按侈一時
喜功之念在牛令希三百年延緩之圖今徵期已及催迫維嚴高
瀉飲痛包賠歲不過二百餘金當邑元二兩年共四五千金桶
魚織席之輩養生不暇而欲一時並徵不言使朝廷虛受加課
掉臂而往今臣目擊最真乃復緘默不言使朝廷虛受加課
之名而小民實切制膚之患則作偏書衛典而隱忍以成之者
臣也且臣濫膺切制膚之患則作偏書衛典而隱忍以成之者
於此謹據實繪圖上呈 簡命撫綏民閒疾苦而民之疾苦莫大
於早蘇民困或以漢滿蘆差見在江南令其覆勘照舊歸蘆庶
窮民無靡散之苦有司免考
成之累地方幸甚官民幸甚

十一年准江南總督麻勒吉巡撫馬祐請裁衛歸縣衛所錢糧

就近併縣徵解 附疏略 江甯等十六衛原設守衛十六員千總

甯等衛所屯丁黃快丁散在各州縣地方離省遠程管守千
各官四遠催徵完納不前致通國課今若歸各州縣就近徵
比頑丁不致恃違拖欠則糧賦易於完納且衛所本折錢糧不
過二十萬散歸各州縣徵收每邑所增無幾又並入地丁考成

不煩另案參罰誠為簡便況江西各衛屯田歸并之後軍民俱
各稱便會運亦無窒礙已有成效則江南等衛屯田錢糧似應
於康熙十二年為始照例歸并州縣徵收至管屯各官內千總
三十二員均應裁去其掌印守備十六員若一擬議裁悉運官
無所統轄事務易於撙節今應量畱守備四員改為四衛分轄
運丁凡支領錢糧查造冊結開報賢否一以守備印文為憑更
屬允當其餘守備十二員應裁去以省糜費

二十年准安徽巡撫徐國相疏請開墾之田寬限升科附疏略

為請寬升科之限期以收開墾之實效事竊惟足國必先足民
而足民必先足食而足食必先足田而足田必先開墾而足田
平與未息飽用浩繁則墾荒之法所宜汲汲講求以佐司農之
仰屋臣查各省直省之中惟江南浙西數府素少荒田而江北河
南山東等處荒田未墾者甚多即如臣屬鳳陽廬州安慶滁和五府州
屬尚有積荒民屯田地九萬四千三百九十四頃三十一畝零
合而計之不可勝計在小民豈不知無主荒田所墾熟即為己業
而年來報墾無幾其故何與良以開墾荒田所需人力工本靡
不數倍於耕種熟田而所獲花利又不能如熟田之豐盈統計
數年之所收不能償初墾年之工本又安有餘息以輸賦稅故
必寬以起科年限養其餘力使墾息足償工本然後責令升科
庶幾墾者樂於從事今例內墾荒田地定限三年起科即歲歲
成熟猶不能償債所費工本儘其開再遇水旱災傷益不能支
持而年限已屆迫呼墾至不惟生息全無反有剝肉醫瘡之困

是以已墾者不獲遂其樂利之休未墾者咸有畏縮不前之念
而荒田終不能盡闢也臣查三年升科之限雖屬舊例續於康
熙十一年開經部覆前督臣廉勒吉疏准於六年後升科又康
熙十二年欽奉 皇上諭旨再加寬限通計十年方行起科即
惟我 皇上軫念小民竭蹶開墾恐催科期迫或致失所
之至意普天之民無不懽欣鼓舞咸思務本盡力畝畝於是康
熙十二年三十四年分臣屬安廬鳳三屬荒田開墾至三千餘
頃臣屬如此他省可知皆蒙 皇上寬限起科培養民力
之實效也嗣於康熙十五年正月內部覆臺臣焦榮條奏將康
熙十二年以前開墾荒地於十五年內起科十五年以後開墾
地仍照前定例於三年後起科固為籌餉起見然升科之年分
既迫而報墾者遂多寥寥如臣屬康鳳三屬地三百七十三頃七
六十九頃零在官非不加意督墾以冀紀敘也在民非不樂於開墾
四畝零在官非不加意督墾以冀紀敘也在民非不樂於開墾
以收花利也總因措處工本物力艱難既慮三年之內豐歉難
齊復恐三年之後催科緊迫故巡撫畏懼不敢認墾耳是三年
升科之議雖為一時籌餉之權宜而不能為裕國足民之長策
自宜量為寬限庶可鼓勵人心查十年起科乃蒙我 皇
上格外之仁臣亦不敢率請遇寬嗣後開墾田地合無仰懇
將見野無曠土 國課日增寬
民力以裕兵餉端有攸賴矣

二十六年

命纂修簡明賦役新書科臣劉國瀚疏乞將各省田地賦役大小等則

逐一注明附疏略上臣辦事戶垣見各省起科則例有大賦小地

至數十則之別不但各省不同即一省之中各府各州各縣亦

多互異蓋地形有高下平陂土性有沙鹵肥瘠古人則壤成賦

因不能強之使同也但全書之內將各州田地注明拆數者既

多而遺漏未注者亦復不少臣江南揚州人也即以揚屬而論

江都之田一萬七千餘頃約徵銀五萬餘兩全書已注明折數

矣若高郵田二萬五千餘頃約徵銀四萬餘兩全書已注明折數

千餘頃額徵銀四萬四千餘兩非泰州之田僅高郵三分之一

非泰州之賦重於高郵三倍也蓋泰州大地而高郵小地也又

如興化田二萬四千餘兩非寶應銀二萬八千餘兩寶應田二

餘頃額徵銀二萬四千餘兩非寶應之田僅興化十分之一非寶

之賦重於興化十倍也蓋寶應大地而興化小地也小地則一

畝為一畝大地則數畝折一畝一畝為一畝則賦輕數畝折一

雍正元年

上諭嗣後各省凡有可墾之處聽民相度地宜自墾自報水田仍以六

年起科旱田以十年起科著著爲定例

全文恭錄
皇言紀

七年

上諭各省皆有未墾之土卽各處皆有願墾之人其情願開墾而貧寒無力者酌動存公銀穀確查借給以爲牛種口糧俾得努力於南畝俟成熟之後分限三年照數還項

全文恭錄
皇言紀

十二年奏准直省賦役全書悉以雍正十二年爲准凡額徵地丁錢糧商牙課稅內應支官役俸工驛站料價以及應解本折絹布顏料銀硃銅錫茶蠟等項各分晰原額新增開除實在并司府州縣衛所總散數目詳細考覈纂輯成書所需工價於存公銀內動支但支解各項每年皆有收除所刻賦役全書恐數年仍不相符嗣後每屆十年修輯一次

乾隆三十年奏准賦役全書最明白簡要者莫如奏銷一冊前

列山地田畝報荒新墾次列三門九折額徵本折地丁起解
支一經開冊瞭如指掌嗣後刊刻全書即以奏銷所開條款為
式每逢應修之年止將十年新墾新冊各總數添注於下其不
經名目一概刪除

同治三年議准巡撫喬松年會同兩江總督曾國藩清運總督

吳棠疏請本年試辦漕糧擬請暫徵折色分別解支存留以歸

簡易附疏略皖省已就肅清本年有收各屬開已試辦丁漕其

加耗行糧月糧贈米兵米局米郵米共九項其中正兌改兌加

耗司核明撥用皆徵本色從前各州縣以兒費雜用無資於收

米之外開收折色亦有民交折色官為代辦本年皖省開徵之處

安已久自軍興以來各屬停徵未經籌議本年皖省開徵之處

難屬無多而錢糧制皖省徵數無多距海較遠海運又未辦過若徵收本色

竟難轉運不如暫徵折色較為簡易而小民亦便於輸將現飭
各屬開報從前折價雖較緡省減少然大兵之後民力未紓且
全收折色自應大加核減以示體卹其必不可少之款將酌留

為將來起運本色地步飭據藩司馬新貽善後局署臬司何璟
 公同酌議擬將安慶甯國池州太平廬州五府並六安州屬正
 兌正米及加三耗內之交倉米一斗七升又鳳陽州廣德二屬改兌
 正米及加三耗內之交倉米一斗七升又鳳陽州廣德二屬改兌
 州屬正兌正米並加三耗內之交倉米一斗七升又鳳陽州廣德二屬改兌
 加二五耗內之交倉米一斗七升又鳳陽州廣德二屬改兌
 銀一兩三錢粟米每石折銀一兩二錢提存藩庫以備起解部
 庫其加四耗內之一斗五升銀一兩二錢提存藩庫以備起解部
 三屬加三耗內之一斗五升銀一兩二錢提存藩庫以備起解部
 隨清作耗之用此款並不交通倉無需起運專款提存司庫備
 簡本省停徵州縣祭祀驛站俸工養廉各屬四遠口糧等項公
 用又行月糧贈米三款歷係隨漕給丁支用現在漕糧未能起
 運此款亦須提存留為將來起造漕船之用或有急需應候酌
 撥又兵米一款錄營兵丁雖已裁撤停補仍有酌需各汛弁兵
 所需坐糧無出應於見散兵米折價銀內通融支給又局米一
 款為江甯織造機匠之需亦應提存轉解通融支給又局米一
 糧之用開徵各州縣應令照舊徑支造報此外屯米一項為江
 甯司倉滿營兵米之需從前如遇荒歉由安撥補今司庫空虛
 開徵者少前准江南布政使移覆亦議改徵折色由屬儘數徑
 解江甯司庫兌收酌量支放至折收漕價視原折價多寡定以
 七折六折體察民力以易完為斷

池銅陵建德東流當塗蕪湖繁昌合肥廬江舒城無為巢縣宿

州靈璧阜陽太和六安英山霍山五河等州縣應徵熟田漕米
每石折收錢四千至六千五百文不等四年議定定遠霍邱天
長三縣應徵熟田漕米每石折收錢各六千文六年議定宣城
南陵涇縣甯國旌德太平青陽懷遠壽州鳳臺潁上蒙城廣德
建平盱眙等州縣應徵熟田漕米每石折收錢五千至六千五
百文不等

安徽布政使司

原額田地等項四十三萬七千三百九頃七十三畝有奇 池
州府雲霧荒山一十六頃三畝九分 廬州府草山一千七百
二十九里有奇 滁州馬田一百七十一頃 畝桑絲一千六
百六十三兩六錢 鹽鈔六千六百七十八口 除原荒並節
年挖廢坍江田塘一十三萬二千六百二十四頃五十四畝有

奇 又滁州山塘折實成田折去二百七十八頃四十五畝有奇 開墾升科田地一萬三千九百六十頃八十七畝有奇 順治十四年實額田地三十一萬八千三百六十七頃六十一畝有奇 雲霧荒山一十六頃三畝九分 草山一千七百二十九里有奇 馬田一百七十一頃 畝桑絲一千六百六十三兩六錢 鹽鈔六千六百七十八口

節年民衛續荒並隄占水沈田地一萬七千一百四十八頃二十五畝有奇 又廬鳳和屬山塘折實成田折去二萬七千九百一十四頃一十七畝有奇

節年開墾升科並清出溢額田地四萬三千八百二十九頃六十四畝有奇 開墾草山八百六十三里有奇 鳳陽府歸併潁川潁上二衛所屯田八千二百三十三頃五十七畝有奇

康熙二十二年實額田地三十三萬五千三百六十八頃四
畝三分七釐有奇 雲霧荒山一十六頃三畝九分 草山二
千五百九十三里一分有奇 馬田一百七十一頃 畝桑絲
一千六百六十三兩六錢 鹽鈔六千六百七十八口

除鳳六毫屬山塘折實成田折去三千九百二十二頃一畝二
分八釐有奇 又靈璧縣開河築隄栽柳占廢上中下三則地
實折實地二十三頃七畝七分一釐有奇 臨淮泗州盱眙五
河四州縣水沈田地二千五百頃九十畝七分九釐有奇 泗

州新減田地二百五十四頃五十八畝五分七釐有奇

節年開墾升科並清出溢額積荒田地一萬七千六百二十九
頃六十七畝九分三釐有奇 開墾草山四百二十六里九分
有奇 又泗州新淤地畝二百五十四頃九十九畝五分二釐

有奇

雍正十三年實在成熟折實田地三十三萬六千五百五十二
頃四十九畝四分七釐有奇 雲霧荒山一十六頃三畝九分
草山三千二十里有奇 馬田一百七十一頃 畝桑絲一
千六百六十三兩六錢 鹽鈔六千六百七十八口

額徵稅糧地畝徭里條鞭折色帶閭補徵時價並雲霧山租鹽

鈔等銀一百四十萬五千八百六十兩一錢四分七釐二毫有

奇

內漁課羨餘船稅茶商稅官祠租廉惠田租廉租抵
解正項銀二千九十四兩九錢一分八釐六毫有奇

人丁攤入地畝銀二十萬七千八百八十五兩八錢三分二釐

一毫有奇雍正六年爲始在於各州縣成熟田地內攤徵

匠班攤入地畝銀三千八百七十兩三錢二釐八毫有奇遇閭

加銀三錢二分七釐五毫

除閏其實徵銀一百六十一萬七千六百一十六兩二錢八分二釐一毫有奇

額徵漕南並五米四十一萬六千二百七十三石一斗六升六合有奇

麥一萬四百一十五石二斗一升七合有奇

豆二萬三千二百五十一石二升五合有奇

外不在丁田徵解雜辦並鱗魚折價銀二萬七千六百一十三兩三錢四分九釐二毫有奇

內除亳州商稅銀一百一十四兩六錢一分六釐歸併鳳陽徵收

遇閏加銀四百二十一兩三錢八分二釐有奇

又安慶府屬新增損腳銀三兩三錢三分有奇

米一千四百三十八石五斗九升五合有奇

麥二十五石六斗四升四合有奇

和州廣德庫制錢一萬二千七十五文五分遇閏加錢七百五十八文一分

額外歸併省衛外衛原額屯田二萬七千六百六十頃二十四畝有奇

節年升科並清出溢額田地二千一百一十六頃八十八畝有奇 又池州府屬歸併南撫饒三衛所並南昌衛前屯田地五百三十九頃一十四畝九分二釐有奇

雍正十三年實在屯田地三萬三百一十六頃二十六畝九分一釐有奇

額徵折色銀六萬一千七百三十五兩九錢六分九釐有奇遇閏加銀二錢二分六毫有奇

屯丁攤入地畝銀一萬一百四十六兩九錢九分五釐有奇

除閏其實徵銀七萬一千八百八十二兩九錢六分四釐有奇
額徵本折米九萬一千四百五十一石八斗七升三合有奇
麥三千九百八十八石七升四合有奇

折色豆三千二百三十三石一斗九合有奇

每石折銀七錢共折銀二千二百六

十三兩一錢七分六釐有奇

外不在丁田徵解軍三小料銀一百六十兩五錢六分又雜辦
銀五百四十一兩二錢五分三毫有奇

制錢十千文

乾隆十八年實在成熟折實田三十二萬七千六百六十九頃
六十一畝七分四釐有奇

節年水衝沙壓築壩開隄豁除折實田三百六十頃三十五畝
七分六釐有奇

節年開墾田地併溢額熟田積荒田折實田四千八百五十二頃八十一畝有奇

嘉慶七年實在成熟折實田三十三萬二千一百六十二頃六畝九分八釐有奇 雲霧荒山一十六頃三畝九分 草山三千二十里有奇 馬田八十四頃三畝三分有奇 桑絲一千六百六十三兩六錢 鹽鈔六千六百七十八口

額徵起存折色併贈貼攤帶匠班鹽鈔桑絲商稅等項實徵銀一百五十九萬九千二百七十七兩二錢隨徵加一耗銀一十五萬六千九百三十五兩七分二釐

又池州潁州二府歸併潁川潁上饒州撫州南昌五衛所屯田八千七百五十頃四十八畝九分六釐有奇額徵銀二萬六千七百一十九兩五錢七分一釐耗銀二千六百七十一兩九錢

五分八釐遇閏之年加銀二錢二分二釐耗銀二分二釐

又望江歙縣婺源績溪當塗五縣不在田畝派徵魚課羨餘船稅茶稅祠租廉惠倉宏濟倉馬廠餘租等項抵解正損人丁絲絹湊給孤貧差馬季考等銀二千九十四兩九錢一分八釐隨徵加一耗銀一百七十五兩八錢五釐 又遇閏之年額上縣加徵匠班銀三錢三分八釐隨徵加一耗銀三分四釐

人丁攤入地畝銀二十萬七千三十二兩二分一釐隨徵加一耗銀二萬二百八十六兩四錢四分六釐內有鳳陽府屬鳳陽縣更名田地租內動補缺額銀一千四百二十六兩七錢二分四釐耗銀一百四十二兩六錢七分二釐

和州廣德庫制錢一萬二千七十五文隨徵加一耗錢一千二百八十八文遇閏之年加錢七百五十八文一分

額徵漕糧正耗米四十一萬五千七百三十六石八斗五升四合九勺

麥一萬七十五石二斗六升二合一勺

豆二萬三千九十九石八斗一升七合六勺

節年開墾升科田六頃四十一畝一分五釐有奇

節年沙壓水冲坍沒挖廢豁除田地一百三十二頃六十三畝九分八釐有奇

道光四年實在成熟併額溢積荒歸併潁川潁上饒州撫州南昌五衛所折實田三十四萬七百八十六頃三十三畝一分二釐有奇內舊虹縣靈璧減則窪地五百三十九頃七十三畝六釐雲霧荒山一十六頃三畝九分草山三千二十里有奇馬田八十四頃三畝三分有奇桑絲一千六百六十三兩

六錢 鹽鈔六千六百七十八口

額徵起存折色併漕糧贈貼攤帶匠班鹽鈔桑絲商稅等項銀
一百六十二萬七千三兩三錢六分三釐耗銀一十五萬三百
七十二兩九錢五分五釐

人丁攤入地畝銀二十萬七千七百九十四兩二釐耗銀二萬
三百六十兩六錢七分有奇

池州府建德縣歸併額徵徭屯丁銀二十六兩六錢九分二釐
有奇

不在丁田草山湖潭城濠商稅麴稅漁渡等稅惠廉倉租田租
並無爲州合肥縣更名田勦田加六安州攤地升科等款銀二
萬八千三百七十九兩七錢六分七釐 又遇閏之年額上縣
加徵匠班銀三錢三分八釐隨徵耗銀三分四釐

安慶衛不在田畝編徵漕院供應裁扣等款銀四百八十七兩八錢一分四釐 耗銀四十八兩七錢八分一釐

和州廣惠庫制錢一萬二千七十五文隨徵加一耗錢一千二百八文遇閏之年加錢七百五十八文一分

本色漕糧正耗行月贈貼及溢田升科實徵米四十三萬三千一百六十七石一斗三升一合有奇

麥一萬一百五十六石五斗三升九合有奇

南豆二萬三千一百八十五石二斗四升一合有奇 屯豆三千二百七十九石一斗四升八合有奇

米折銀一萬七千四百九十八兩五錢七分三釐 耗銀一千七百兩七錢七分

麥折銀七百九十一兩一錢七分七釐 耗銀七十九兩一錢

一分八釐

豆折銀八千六百九十九兩九錢二分六釐 耗銀八百五十

二兩五錢三分八釐

漕米加耗

明初民運無腳耗等項至宣德閒令民糧兌與軍運成化閒將
徐淮臨德四倉支運亦改兌軍皆給路費始各有耗米兌運米
俱一平一尖收受故有尖米耗米除隨船給運外餘折銀謂之
輕齎改兌無尖米以耗米二升折銀謂之折易輕齎後通惠河
成省腳價始立減扣法扣畱者以備修理通惠河餉量減者以
寬民力兌運加耗米安慶甯國池州太平廬州每石加耗米五
斗六升又兩尖米一斗共六斗六升內除四斗隨船作耗餘米
二斗六升折銀一錢三分名二六輕齎嗣減去二升止徵二斗

四升改爲二四輕齋於內仍扣畱銀一分鳳陽每石加耗米四斗六升尖米一斗共五斗六升內除三斗隨船作耗餘米二斗六升折銀一錢三分名二六輕齋後改爲二四宣德八年題准兌軍腳耗每石南直隸六斗江北鳳陽五斗正德七年題准輕齋銀兩各司府州縣每年務隨正糧一併兌完方許出給通關嘉靖六年議准官軍過江領兌蘇州等處者江北三總并廬州衛每石腳米一斗三升南京兩總并鎮江衛每石七升萬厯元年題准江北三總派兌南糧原定腳米一斗三升雇覓江船今瓜州建牕徑赴水次聽兌蠲免七升止徵六升其南京各衛通到水次原徵七升又免一升止徵六升

明會典

國朝順治十四年准巡按御史秦世貞疏定每正糧百石除正耗外加米五升銀五兩交與旗升十六年又准科臣朱紹鳳以蘇

松常鎮四府糧多路遠領運旗丁不無常例雜費於五兩之外
再加五兩其江安等府州俱仍五米五銀

大清會典內載安慶甯國池州太平廬州五府並六安州屬每正兌
米一石加耗四斗內二斗五升隨正起交一斗五升隨船作耗
廬州府並廣德州屬每改兌米一石加耗三斗內一斗七升隨
正起交一斗三升隨船作耗廣德州無正兌米安慶池州太
平甯國並六安州均無改兌米
鳳陽潁州二府並泗州屬每正兌米一石加耗三斗內二斗五
升隨正起交五升隨船作耗每改兌米一石加耗五斗二升內
一斗七升隨正起交八升隨船作耗

丁銀

康熙五十二年三月十八日

聖祖仁皇帝恩詔海寓承平日久戶口日繁地畝並未加廣宜施寬大

或均派在有地者所加無多不為
苦無地者得免貽累實為幸甚

雍正五年總督范時繹題請以雍正六年為始丁隨田辦奉

旨依議

附疏略丁銀隨田併徵最為均平良法直隸各省歷來丁地分

各州縣內向有丁銀隨田徵輸者亦有丁田各辦者查各屬田
地原有高下之殊按率起科亦有輕重之別所有丁銀各就本
縣地畝均攤為便且可省改造全書之煩至中間成熟銀米料
算各照地畝科算亦皆下順輿情便於輸納應請以雍正六年
為始丁隨田辦以
廣皇仁

按丁銀即漢之口算唐之調宋之丁米當時有投田之制無
無田之丁及投田法不行而無田之丁始以丁銀為苦矣增
除之際吏胥得緣為姦自

聖朝增丁不增賦丁隨田辦而貧民得以安枕為自古未有百世不
易之良法也

匠班

雍正七年奉

旨准署總督范時繹安徽巡撫魏廷珍江蘇巡撫王璣疏將上下兩江

匠班銀免徵攤入地畝徵輸附疏略各屬匠班銀兩向係按匠

屬除當塗和州含山三州縣全書原未編有匠班毋庸另議外

其懷遠等五十七州縣每年額徵共銀三千八百七十九兩三錢

二在田丁內徵解外其上年等十六州縣每年額徵共銀七千

六百八兩五錢三釐零錄歷年久遠原匠子孫逃故無追是以

各州縣有於現業匠戶派徵者有善族屬親鄰里遷賠補者若

受益良多相應造具攤徵清冊請於雍正七年為始

永折漕糧地方

徽州府屬應徵南米康熙二十八年總督傅臘塔以該屬處萬

山之中不通舟楫深為苦累奏定改折每石徵銀八錢

農忙停徵

雍正十三年十一月十六日署副都御史陳世倌奏請農忙停

徵經總理事務王大臣議定徵收錢糧例於農忙之時停徵雍正五年議准條奏頑民恃有停徵之例輾轉規避以致積欠嗣後州縣於停忙之日查明糧戶限內完半者照例俟開徵後再完如未完半之戶仍行追比夫小民辛勤力作一歲之中五六兩月最爲要緊生計於是乎出賦稅於是乎辦誠不可以催科妨其本業況四月限內之不能完半者多因青黃不接無力輸將難因一二頑戶概行徵比卽稍緩時日亦可於開徵之後催令完納應如陳世倌所奏請

敕部通行直省嗣後農忙之時仍照舊例概停徵比奉
御批所議甚是依議速行

重修安徽通志卷七十

食貨志

田賦二

安慶府

國朝原額田塘一萬九百九十四頃九十九畝九分二釐有奇
節年升增田一萬五百二十二頃二十一畝有奇

現在成熟田塘折實田二萬一千五百一十七頃二十一畝有奇

實徵折色銀一十五萬九千七百三十二兩四錢二分四釐有

奇

內望江縣派徵魚課羨餘抵解正項銀三百七兩五錢二分四釐有奇

攤徵人丁銀一萬一千七百五十一兩四錢二分八釐有奇

匠班銀四百七十二兩五錢

共實徵銀一十七萬一千九百五十六兩三錢五分一釐有奇

開銀例派在內遇開支給

實徵本色米一十一萬八百五十三石四升二合有奇

外不在丁田徵解雜辦銀四千五百三十七兩三錢一分七釐有奇遇閏加銀二百六十七兩四分七釐有奇

懷甯縣實在成熟並溢額田三千四百九十三頃六十六畝二分六釐有奇

內則例每畝計算
田科起存折色銀五分九釐有奇

漕項銀二分二毫有奇
攤帶人丁銀六釐七毫有奇

攤帶匠班銀二毫四絲有奇
漕糧贈貼銀一釐四毫有奇

米五升一合有奇
漕糧贈貼米一合四勺有奇

實徵折色銀二萬八千四百七十三兩九錢一分四釐六毫有

奇

攤徵人丁銀二千四百一十三兩六錢六分六釐四毫有奇

匠班銀八十四兩一錢五分

其實徵銀三萬九百七十一兩七錢三分一釐有奇

實徵本色米一萬八千五百五十三石三斗二升三合有奇

外不在丁田徵解雜辦銀六百七十三兩三錢六釐有奇內辦正

損銀一百四十二兩五錢四分五釐 魚課正損銀六十二兩

入錢七分二釐 魚租銀三兩三錢二分五釐 城濠官地租

銀一兩 營地升科銀一兩一錢五分一釐 本色白麻價銀

一十九兩九錢五分 折色白麻魚線膠熟鐵黃麻翎毛價銀

三百八十九兩五錢九分六釐 魚課房 遇閏加銀三十八兩

地茶課共銀五十二兩八錢六分七釐

五錢一釐有奇

桐城縣實在成熟並溢額田塘四千一百七頃四十五畝二分

九釐有奇

田

內則例每畝計算
科起存折色等銀六分四釐有奇

漕項銀二分二絲有奇
攤帶人丁銀七釐四毫有奇

攤帶匠班銀三毫五忽有奇
漕糧貼銀一釐四毫有奇

米五升一合有奇
漕糧貼米一合四勺有奇

塘科銀入釐有奇
漕糧貼銀一釐四毫有奇

米五升三合有奇
漕糧貼米一合四勺有奇

實徵折色銀三萬四千三十六兩二錢二分八釐四毫有奇

攤徵人丁銀二千九百五十二兩九錢三分一釐七毫有奇

匠班銀一百二十兩六錢

共實徵銀三萬七千一百九兩七錢六分有奇

實徵本色米二萬一千六百二十八石五斗六升有奇

外不在丁田徵解雜辦銀一千四百六十七兩八錢四分九釐

有奇內雜辦正銀三十七兩七錢九分魚課正銀五十一兩
折色白麻魚線膠熟鐵黃麻翎毛價銀一千一百八十四兩二錢八分九釐
錢入分九釐魚課房地稅課銀一百六十九兩六錢九分九釐
遇閏加銀一百三十六兩一錢七分有奇

潛山縣實在成熟田二千八百三十五頃三十八畝二分六釐有奇

內則例每畝計算
田科起存折色並時價等銀五分八釐六毫有奇

漕項銀二分二釐有奇

攤帶人丁銀七釐四毫有奇

攤帶匠班銀二毫五絲有奇

漕糧贈貼銀一釐四毫有奇

米五升一合有奇

漕糧贈貼米一合四勺有奇

實徵折色銀二萬三千二百四十八兩四錢有奇

攤徵人丁銀二千一百四十一兩四錢七分九釐有奇

匠班銀七十四兩二錢五分

共實徵銀二萬五千四百六十四兩一錢二分九釐有奇

實徵本色米一萬五千五十一石四斗六升七合有奇

外不在丁田徵解雜辦銀四十四兩五錢八分一釐有奇

損銀四十三兩四錢二分二釐有奇
房地酒醋銀一兩一錢五分九釐有奇
遇閏加銀三兩三分一

釐有奇

太湖縣實在成熟田三千九百九十一頃三十七畝一分二釐

有奇

內則例每畝計算
田科起存折色銀四分七釐三毫有奇

漕項銀二分二釐六毫有奇
攤帶人丁銀五釐有奇

攤帶匠班銀三毫二絲有奇
漕糧贈貼銀一釐四毫有奇

米五升一合有奇
漕糧贈貼米一合四勺有奇

實徵折色銀二萬八千四百九十二兩七錢一分五釐有奇

攤徵人丁銀一千九百九十八兩四錢九分八釐有奇

匠班銀一百二十七兩八錢

共實徵銀三萬六百一十九兩一分三釐有奇

實徵本色米二萬一千二百三十三石三合有奇

外不在丁田徵解雜辦銀八十五兩五錢一分八釐有奇

內雜辦銀

三十四兩六錢一分二釐 房地銀三錢四分 遇閏加銀二分

五釐有奇

宿松縣實在成熟並溢額田四千四百一十八頃八十七畝五分九釐有奇

內則例每畝計算
田科起存折色等銀四分一釐四毫有奇

攤項銀一分八釐有奇

攤帶人丁銀二釐四毫有奇

攤帶匠班銀九絲四忽有奇

潛糧贖貼銀一釐二毫有奇

米四升七合有奇
漕糧贈貼米一合二勺有奇

實徵折色銀二萬七千二百一十五兩三錢八分有奇

攤徵人丁銀一千九十七兩四錢九分有奇

匠班銀四十一兩八錢五分

其實徵銀二萬八千三百五十四兩七錢二分有奇

實徵本色米二萬一千五百二十三石三斗八升四合有奇

外不在丁田徵解雜辦銀一千一百一十九兩九錢三分一釐

有奇
內雜解正橫銀三十四兩八錢五分
魚課正橫銀三十四兩四錢五分四釐
本色白麻價銀一十八兩五錢七分

分
折色白麻魚線膠熟鐵黃麻翎毛價銀一百五十八兩九錢六分七釐
魚課房地茶課銀一百五十八兩九錢

遇閏加銀三十八兩六分四釐有奇

望江縣實在成熟並溢額田二千六百七十頃四十六畝五分

內則列每畝計算
田料起存折色銀四分九釐二毫有奇

清項銀一分六釐九毫有奇

雜帶匠班銀八絲九忽有奇

清糧贈貼銀一釐三毫有奇

實徵折色銀一萬八千二百六十五兩七錢八分七釐有奇

內徵魚課羨餘抵解正項銀三百七兩五錢二分四釐有奇

攤徵人丁銀一千一百四十七兩三錢六分一釐有奇

匠班銀二十三兩八錢五分

其實徵銀一萬九千四百三十六兩九錢九分八釐有奇

實徵本色米一萬三千九十四石二斗八升二合有奇

外不在丁田徵解雜辦銀一千一百四十六兩一錢三分二釐

有奇

內雜辦正項銀四十五兩三分二釐 魚課正項銀一十二兩九錢九分 折色白麻魚線膠熟鐵黃麻翎毛價銀九百四兩二錢七分九釐 魚課房地租銀一百七十一兩九分五釐 遇閏

加銀五十一兩二錢五分六釐有奇

徽州府

國朝原額田地山塘共折實田二萬五百六十二頃七十八畝四分三釐有奇

節年豁除折實田三頃五畝三分八釐有奇

現在田地山塘折實田二萬五百五十九頃七十三畝五釐有奇

實徵折色銀一十六萬二千六百六十五兩一錢三分八釐有

奇

內欵整積三縣不在丁田派徵抵解
正項銀一千五百九兩二錢三釐

攤徵人丁銀二萬四千一百一十六兩三錢二分八釐有奇

匠班銀一千三百七十九兩七錢

其實徵銀一十八萬八千一百六十一兩一錢六分六釐有奇

閩銀例派在
內遇閩支給

實徵本色米二萬九千三百三十八石七升六合有奇

豆一千六百二十四石八斗一合有奇

外不在丁田徵解雜辦銀六百五十四兩一錢一分七釐八毫
有奇

歙縣實在成熟田地山塘折實田四千九百六頃一十八畝六
分三釐有奇

地一畝折田五分六釐一毫

山一畝折田四分三釐四毫

每折實田一畝折田一畝一分九釐一毫
漕項銀四釐二毫有奇
補徵顏料時價銀九分四毫有奇

攤帶入丁銀一分五釐九毫有奇
攤帶匠班銀一釐四毫有奇

米一升五合有奇
豆入勺五抄有奇

實徵折色銀四萬七千二百六十二兩九錢九分七毫有奇內街

口司船稅銀八百兩官祠租銀二十兩
茶商稅銀四錢三分二釐抵解正項

攤徵人丁銀七千八百四十兩四錢二分二釐一毫有奇

匠班銀六百九十一兩九錢二分八釐四毫有奇

共實徵銀五萬五千七百九十五兩三錢四分一釐有奇

實徵本色米七千五百六十七石三斗四升三合有奇

豆四百二十石一斗四升一合有奇

外不在丁田徵解城濠租銀一百五十九兩七錢三分八釐七毫有奇

休甯縣成熟田地山塘實在折實田四千八百二頃九十六畝二分二釐有奇

內則例

地一畝折田七分三釐八毫

山一畝折田二分二釐一毫

每折實田一畝折田一畝

漕項銀二釐六毫有奇

攤帶人丁銀一分六釐有奇

攤帶匠班銀八毫七絲有奇

米一升二台九勺有奇

豆七勺一抄有奇

內有廉惠倉官田六頃四十畝一分二釐零每畝免徵條鞭銀止科稅糧銀四分二釐四毫有奇

實徵折色銀三萬五千四百二十兩六錢一分五釐有奇

攤徵人丁銀七千七百二十九兩九錢八分五釐有奇

匠班銀四百一十九兩七錢六分七釐三毫有奇

共實徵銀四萬三千五百七十兩三錢六分七釐有奇

實徵本色米六千二百八石一斗

豆三百四十二石五斗

外不在丁田徵解廉惠田租銀一百兩九錢五分七釐五毫有

奇

婺源縣實在成熟田地山塘折實田五千三十頃九十九畝一

分七釐有奇

內則例

地一畝折田六分一釐五毫

山一畝折田二分二釐二毫

磨一畝折田一畝

每折實田一畝科起存折色銀六分五釐七毫有奇

漕項銀一釐八毫有奇

攤帶匠丁銀六釐七毫有奇

攤帶匠班銀二毫二絲有奇

米一升三合有奇

豆七勺二抄有奇

內有朱文公祠商儒學康惠倉官田二十頃四十畝一分一釐

每畝免徵條鞭銀止科稅糧銀四分一釐三毫有奇

江西樂平德興二縣寄莊田七十五頃五十四畝有奇每畝

外科徭銀一分六釐八毫有奇

地四頃三十七畝有奇每畝外科徭銀五釐

山入頃八十九畝有奇每畝外科徭銀五釐

塘一十八畝有奇每畝外科徭銀一分

實徵折色銀三萬四千一百一十九兩三釐有奇

內派徵廉惠田租銀三十

兩抵解正項

攤徵人丁銀三千三百八十兩五錢五分八釐有奇

匠班銀一百一十二兩九錢九分一釐有奇

共實徵銀三萬七千六百一十二兩五錢五分二釐有奇

實徵本色米六千五百八十七石四合有奇

豆三百六十五石四升四合有奇

外不在丁田徵解廉惠田租銀五十八兩六錢六分七釐五毫

祁門縣實在成熟田地山塘折實田二千一百四十頃五十九

畝二分二釐有奇

內則

地一畝折田六分二釐七毫

山一畝折田二分二釐二毫

塘一畝折田一畝

每折實田一畝科折色銀六分四釐二毫有奇

漕項銀四釐五毫有奇

攤帶人丁銀一分五毫有奇

攤帶匠班銀二毫五絲有奇

米一升二合有奇

豆七勺二抄有奇

內有懷德廉惠倉等官田三頃五十三畝二分每畝免徵條鞭銀止科稅糧銀四分二釐四毫有奇

實徵折色銀一萬四千七百一十八兩二錢九分五釐有奇

攤徵人丁銀二千二百六十一兩四錢一分六釐七毫有奇

匠班銀五十四兩七錢一分九釐四毫有奇

共實徵銀一萬七千三十四兩四錢三分一釐有奇

實徵本色米二千七百六十七石七斗二升八合有奇

豆一百五十四石六斗一升六合有奇

外不在丁田徵解廉惠田租銀六十九兩八錢七分六毫有奇

彰縣實在成熟田地山塘折實田一千六百四十頃四十九畝

二分有奇

內則例
地一畝折田五分四釐五毫

山一畝折田一分三釐
塘一畝折田六分四釐

每折實出一畝科折色並補攤顏料時價銀七分七釐八毫有奇

舊項銀六釐三絲有奇
攤帶人丁銀九釐八毫有奇

攤帶匠班銀三毫一絲有奇
米一升六合有奇

豆八勺九抄有奇
內有廉惠儒學等官田三頃三十三畝零每畝免徵條鞭銀止

科稅糧銀五分三釐有奇

實徵折色銀一萬三千七百四十九兩四錢九分六釐有奇

攤徵人丁銀一千六百一十三兩一錢有奇

匠班銀五十一兩三錢一分八釐有奇

共實徵銀一萬五千四百一十三兩九錢一分四釐有奇

實徵本色米二千六百七十七石七斗

豆一百四十七石五斗

外不在丁田徵解廉惠田租銀六十一兩八錢七分七釐五毫有奇

績溪縣實在成熟田地山塘折實田二千三十八頃五十畝五分八釐有奇

地一畝折田五分八釐三毫

山一畝折田二分二毫
塘一畝折田一畝一釐一毫
每折實田一畝科折色時價錢七分六釐四毫有奇

漕項銀六釐有奇
灘帶人丁銀六釐三毫有奇
灘帶匠班銀二毫四絲有奇

米一升七合有奇
豆九勺五抄有奇
內有廉惠宏濟倉併儒學義冢等田二十三頃七十九畝有奇
每畝免徵條鞭銀止科稅糧銀四分九釐七毫有奇

實徵折色銀一萬七千三百九十四兩七錢四分有奇

內派徵
廉惠田

租銀六百五十八兩七錢七分一釐抵解正項

攤徵人丁銀一千二百九十兩八錢四分六釐有奇

匠班銀四十八兩九錢七分五釐有奇

共實徵銀一萬八千七百三十四兩五錢六分一釐有奇

實徵本色米三千五百三十石二斗

豆一百九十五石

外不在丁田徵解廉惠倉租銀二百三兩六釐

甯國府

國朝原額田地山塘蕩陂共折實田二萬七千六百五十一頃八

十七畝一分三釐有奇

節年升增田一百四十五頃五十九畝四分九釐有奇

現在成熟山塘蕩陂折實田二萬七千七百九十七頃四十六畝六分二釐有奇

實徵折色銀一十八萬二千八百四十八兩九錢五釐有奇

攤徵人丁銀一萬三千二十七兩五錢二分五釐有奇

匠班銀五百五十二兩六錢

其實徵銀一十九萬六千四百二十九兩三分有奇

開銀例派在內遇閏

支給

實徵本色米六萬二千一百九石八合有奇

豆九千一百一石一斗三升三合有奇

外不在丁田徵解雜辦銀五百三十九兩五錢三分五釐四毫有奇遇閏加銀一十七兩五錢一分一釐有奇

宣城縣實在成熟田山灘地折實田一萬二千四百二十二頃

八十一畝一分八釐有奇

內則例
地三畝折田一畝

山一十二畝折田一畝
灘地二十四畝折田一畝

每折實田一畝科起存折色帶徵時價銀五分四釐九毫有奇

清項銀四釐一毫有奇

攤帶人丁銀四釐七毫有奇

攤帶匠班銀二毫一絲有奇

清糧贈貼銀八毫二絲有奇

米二升二合有奇

清糧贈貼米八勺一抄有奇

豆二合五勺有奇

實徵折色銀七萬四千三百九十二兩五錢四分一釐有奇

攤徵人丁銀五千九百二十二兩六錢五釐

匠班銀二百六十兩五錢五分

共實徵銀八萬五百七十五兩六錢九分六釐有奇

實徵本色米二萬八千六百五十一石三斗一升六合有奇

豆三千一百九十二石二斗一升七合有奇

外不在丁田徵解雜辦銀四百二十二兩八錢四分九釐有奇

內膠鐵翎毛本折並時價等銀一百七十一兩二錢一分六釐有奇

有奇 草場租銀一十兩五錢九分五釐 雜辦等項銀二百四十一兩遇閏加銀一十四兩六錢三分六釐有奇

涇縣實在成熟田地山蕩折實田三千三百六十四頃七十六

畝一分九釐有奇

內則例

地二畝折田一畝

山八畝折田一畝

蕩一畝折田一畝

奇

每折實田一畝科起存折色併鋪墊時價銀六分六釐四毫有奇

漕項銀五釐五毫有奇

攤帶人丁銀五釐九毫有奇

攤帶匠班銀二毫五絲有奇

漕糧贈貼銀八毫七絲有奇

米二升七合有奇

漕糧贈貼米八勺七抄有奇

豆五合七抄有奇

實徵折色銀二萬四千五百九兩二錢六分三釐有奇

攤徵人丁銀一千三百九十七兩九分

匠班銀八十五兩九錢五分

共實徵銀二萬五千九百九十二兩三錢三釐有奇

實徵本色米九千五百八十二石五斗九升八合有奇

豆一千七百七石九斗三升有奇

外不在丁田徵解雜辦銀一十八兩三分二釐有奇

內膠鐵餅毛本折併

時價銀二兩八錢二分六釐有奇
雜辦銀一十五兩二錢六釐

遇閏加銀二錢四分一釐四

毫有奇

南陵縣實在成熟田地山塘折實田五千六百七十三頃九十

二畝四分三釐有奇

內則例
地二畝折田一畝

山四畝折田一畝
塆四畝折田一畝

每折實田一畝科起存折色時價銀六分三釐八毫有奇

清項銀三釐六毫有奇
攤帶人丁銀三釐四毫有奇

攤帶匠班銀一毫一絲有奇
清糧贈貼銀六毫二絲有奇

米一升六合有奇
清糧贈貼米六勺二抄有奇

豆三合一勺有奇

實徵折色銀三萬八千六百六十六兩四錢六分一釐有奇

攤徵人丁銀一千九百四十六兩四錢九分

匠班銀六十二兩五錢五分

共實徵銀四萬六百七十五兩五錢一釐有奇

實徵本色米九千九百七十二石八斗二升六合有奇

豆一千七百六十五石八斗六升八合有奇

外不在丁田徵解雜辦銀五十七兩九釐有奇內膠饒鄒毛等

一錢三分三釐有奇雜辦遇閏加銀二兩四錢五釐有奇

甯國縣實在成熟地田折實田二千七百四十八頃三十七畝

一釐有奇

內則創

地二畝折田一畝

山一畝折田一畝

每折實田一畝科起存折色併帶徵時價銀六分二釐九毫有

奇

清頃銀四釐二毫有奇

攤帶人丁銀五釐五毫有奇

攤帶匠班銀一毫六忽有奇

清糧贖貼銀六毫六忽有奇

米一升入合有奇

清糧贈貼米六勺六撮有奇

豆三合二勺有奇

實徵折色銀一萬八千六百三十四兩五錢五分二釐有奇

攤徵人丁銀一千五百三十四兩三錢三分

匠班銀二十九兩二錢五分

共實徵銀二萬一百九十八兩一錢三分二釐有奇

實徵本色米五千三百七十九石三斗六升九合有奇

豆八百八十三石八斗三升四合有奇

外不在丁田徵解雜辦銀一十七兩六錢九分

內膠銀用毛本折併時價銀二

兩六錢八分九釐有奇辦等項銀一十五兩一釐

雜遇閏加銀二錢三分有奇

旌德縣實在成熟田地山塘折實田二千一百七十七頃一十

三畝四分一釐有奇

內則例

地塘二畝折田一畝

山九畝折田一畝

每折實田一畝科起存折色並補徵時價銀七分九毫有奇

漕項銀四釐一毫有奇

攤帶人丁銀四釐六毫有奇

攤帶匠班銀二毫七絲有奇

漕糧照貼銀五毫七絲有奇

米一升七合有奇
清糧贈貼米五勺七抄有奇
豆三合二勺有奇

實徵折色銀一萬六千四百八十五兩六錢四分二釐有奇
攤徵人丁銀一千七兩四分

匠班銀六十兩七錢五分

共實徵銀一萬七千五百五十三兩四錢三分一釐有奇
實徵本色米三千九百三十七石二斗七升二合有奇

豆七百七石三斗一合有奇

外不在丁田徵解雜辦銀一十二兩七錢五分七釐有奇

太平縣實在成熟地田折實田一千四百一十頃四十六畝三分八釐有奇

內則例

地二畝折田一畝

山入畝折田一畝
每折實田一畝科起存折色併時價銀六分五釐三毫有奇

漕項銀五釐六毫有奇

攤帶人丁銀四釐二毫有奇

攤帶匠班銀三毫六絲有奇

漕糧贈貼銀一釐四絲有奇

米三升一合有奇

漕糧贈貼米一合四抄有奇

豆五合九勺有奇

實徵折色銀一萬一百六十兩四錢四分七釐有奇

攤徵人丁銀六百一十九兩九錢七分

匠班銀五十三兩五錢五分

共實徵銀一萬八百三十三兩九錢六分七釐有奇

實徵本色米四千五百八十五石六斗二升六合有奇

豆八百四十三石九斗七升九合有奇

外不在丁田徵解雜辦銀一十一兩一錢九分八釐有奇

池州府

國朝原額田地山塘基地共折實田七千一百七十三頃二十二畝六分五釐有奇雲霧荒山一十六頃三畝九分

節年豁除折實田三十八頃二十九畝六分五釐有奇

現在成熟田地山塘基地折實田七千一百三十四頃九十三畝有奇雲霧荒山一十六頃三畝九分

實徵折色銀八萬二千五百七十五兩八錢七分七釐有奇

雲霧荒山租鈔銀七錢九分五釐三毫有奇

攤徵人丁銀九千三百五十八兩六錢三分九釐八毫有奇

匠班銀二百一十五兩一錢

共實徵銀九萬二千一百五十兩四錢一分一釐有奇

閩銀例派在內

遇閏

支給

實徵本色米五萬一千九百九石四升五合有奇

豆七千八百一石二斗五升四合有奇

外不在丁田徵解雜辦銀七百一十四兩三錢三分二釐有奇
遇閏加銀一十三兩七錢四分六釐有奇

歸併外衛所實在屯田五百三十九頃一十四畝九分二釐有奇

實徵米折餘徭銀五千六百八十六兩六錢五分二釐有奇

攤徵屯丁銀二十六兩六錢九分二釐一毫有奇遇閏加銀二錢二分一釐

除閏其實徵銀五千七百一十三兩三錢四分四釐有奇

貴池縣實在成熟田地山塘基地折實田二千二百二十五頃七十二畝六分五釐有奇

內則例

地一畝折田四分九釐九毫有奇

山一畝折田一分五釐六毫有奇

塘一畝折田二分二釐五毫有奇

基地一畝折田三分三毫有奇

每折實田一畝科正銀並補徵顏料時價銀一錢有奇

漕項銀七釐二毫有奇

攤帶人丁銀一分六釐九毫有奇

攤帶匠班銀二毫八絲有奇

漕糧贈貼銀二釐五毫有奇

木七升一合有奇

漕糧贈貼米二合五勺有奇

豆九合一勺有奇

實徵折色銀二萬四千四百三十九兩二錢二釐有奇

攤徵人丁銀三千八百五十一兩九錢二分二釐二毫有奇

匠班銀六十三兩九錢

共實徵銀二萬八千三百五十五兩二分四釐有奇

實徵本色米一萬六千四百六十石四斗一升有奇

豆二千三十一石六斗二合有奇

外不在丁田徵解雜辦銀三百五十四兩九錢三分五釐內課稅共

銀二十八兩二分六釐黃麻翎毛正臘共銀一百二十兩一分一釐

四分折色白麻魚線膠等價銀八十五兩七錢四分三釐

魚課正閏楊樹泊塗白戶溝水面升科等課正閏銀八十二兩

五錢一分五釐池州遇閏加銀六兩九錢一分一釐有奇

府地租銀一十七兩

青陽縣實在成熟田地山塘基地折實田一千六百三十七頃

三十九畝六分一釐有奇

內則例

地一畝折田四分五釐七毫有奇

山一畝折田二分六毫有奇

塘一畝折田六分五毫有奇

基地一畝折田三分四釐六毫有奇

每折實田一畝折田三分四釐六毫有奇

灘項銀六釐一毫有奇

灘帶人丁銀一分九毫有奇

灘帶匠班銀二釐三毫有奇

清糧贈貼銀二釐三毫有奇

米六升五合有奇

清糧賄貼米二合三勺有奇

豆八合三勺有奇

實徵折色銀一萬八千一百六兩四錢八釐七毫有奇

攤徵人丁銀一千七百八十五兩一錢八分五釐七毫有奇

匠班銀三十三兩三錢

共實徵銀一萬九千九百二十四兩八錢九分四釐五毫有奇

實徵本色米一萬一千九十七石八斗七升有奇

豆一千三百六十一石八斗八升四合有奇

外不在丁田徵解雜辦銀一十七兩九錢三分有奇

兩九錢三分有奇

皮張銀一兩

銅陵縣實在成熟田地蘆洲山塘基地折實田一千三百九十

八頃九十八畝六分一釐有奇

丙則例

地一畝折田二分五釐有奇

蘆洲沙地一畝折田一分五釐

山塘一畝折田二分

基地一畝折田二分五釐

每折實田一畝折田二分五釐起存折色銀九分八釐一毫有奇

漕糧贈貼銀二釐八毫有奇

漕項銀七釐二毫有奇

攤帶人丁銀七釐六毫有奇

攤帶匠班銀三毫三絲有奇

米七升七合有奇

漕糧贈貼米二合七勺有奇

豆九合七勺有奇

實徵折色銀一萬五千一百三十七兩八錢三分二釐有奇

攤徵人丁銀一千七十一兩三錢五分五釐有奇

匠班銀四十六兩三錢五分

共實徵銀一萬六千二百五十五兩五錢三分七釐有奇

實徵本色米一萬一千一百八十五石二斗七升一合有奇

豆一千三百六十三石一斗三升七合有奇

外不在丁田徵解雜辦銀七十六兩四錢八釐有奇內課稅銀十兩四分

一釐有奇大通河泊所黃麻正脚銀二十二兩二錢二分五釐有奇皮張銀一

兩有奇本色白麻價銀一十兩二錢六分有奇折色白麻魚線

膠價銀一十二兩一錢五分四釐魚課鈔銀一十七兩四錢

三分遇閏加銀一兩四錢八分二釐有奇

石埭縣實在成熟田地山塘折實田六百一十八頃二十三畝

八分四釐有奇

內則例地一畝折田三分三釐三毫有奇

山一畝折田一分

塘池一畝折田五分

塘一畝折田五分二絲有奇

每折實田一畝科起存折色並補徵時價等銀一錢三分四釐

八毫有奇

清項銀二釐五毫有奇

攤帶人丁銀一分六釐三毫有奇

攤帶匠班銀四毫九絲有奇

食貨志

田賦

大

池州府

才三升九合有奇
豆二升五合有奇

實徵折色銀八千四百九十五兩六錢三分六釐有奇

攤徵人丁銀一千一十兩九錢五分九釐有奇

匠班銀三十兩六錢

共實徵銀九千五百三十七兩一錢九分五釐四毫有奇

實徵本色米二千四百一十九石九斗九升六合有奇

豆一千五百五十六石三斗一升三合

外不在丁田徵解雜辦銀二十三兩九錢九分三釐有奇

內課稅銀

二十兩入錢三分九釐有奇
皮張銀三兩一錢五分四釐

建德縣實在成熟田塘基地折實田七百八十七頃一十三畝

三釐有奇雲霧荒山一十六頃三畝九分

內則例

地一畝折田五分二釐七毫

基地一畝折田二分五釐六毫

第一畝折田一分四釐

每折實田一畝料起存折色並時價等銀一錢五釐九毫有奇

清項銀入釐九毫有奇

攤帶人丁銀一分一釐四毫有奇

攤帶匠班銀三毫入忽有奇

清糧贈貼銀二釐入毫有奇

米七升入合有奇

清糧贈貼米二合八勺有奇

雲霧荒山一十六頃三畝九分納租鈔銀七錢九分五釐有奇

豆一升二合有奇

實徵折色銀九千二百七十兩二錢八分六釐有奇

內有雲霧荒山銀七

錢九分五釐有奇

攤徵人丁銀九百四兩一分三釐有奇

匠班銀二十四兩三錢

共實徵銀一萬一百九十八兩五錢九分九釐有奇

實徵本色米六千三百九十五石六斗五升一合有奇

豆九百八十四石二升五合有奇

外不在丁田徵解雜辦銀一十兩九錢二分三釐有奇

內課稅銀九兩

九錢二分二釐有奇
反張銀一兩

歸併南撫饒三衛所實在屯田五百一十四頃八十一畝二分

四釐有奇

內南昌所田每畝科籽粒米一斗九升七合入勺有奇
撫州所田每畝科籽粒米一斗九升五合入勺

有奇
內原撥補民田每畝科籽粒米二斗二合一勺有奇
餘餘銀七釐四絲有奇
屯丁銀入毫三絲有奇
饒州所

田每畝科籽粒米二斗
屯丁銀二毫九絲有奇
攤徵餘銀銀二毫一絲有奇
以上米每石折銀五錢

實徵米折餘徭銀五千四百四十五兩九錢四分五釐二毫有

奇遇閏加銀二錢二分一釐有奇

攤徵屯丁銀二十六兩六錢九分二釐有奇

除閏共實徵銀五千四百七十二兩六錢三分七釐有奇

東流縣實在成熟田地山塘折實田四百六十七頃四十五畝

二分四釐有奇

內則利

地一畝折田三分三釐三毫有奇

山一畝折田五釐一毫有奇

塘一畝折田二分六釐四毫

每折實銀一畝科折色並時價銀一錢三分七釐九毫有奇

清頂銀一今一釐有奇

攤帶匠班銀一分五釐六毫有奇

清糧贈貼銀三毫五絲有奇

未入升九合有奇

清糧贈貼米三合三勺有奇

豆一升七勺有奇

實徵折色銀七千一百二十七兩三錢七釐有奇

攤徵人丁銀七百三十五兩二錢四釐一毫有奇

匠班銀一十六兩六錢五分

共實徵銀七千八百七十九兩一錢六分一釐五毫有奇

實徵本色米四千三百四十九石八斗四升七合有奇

豆五百四石二斗九升三合有奇

外不在丁田徵解雜辦銀二百三十兩一錢四分三釐有奇

內課

稅銀六兩八錢六分七釐有奇

黃麻領毛正熟銀九十四兩

入錢一分五釐有奇

水脚銀二兩四錢七釐皮張銀一兩

六錢

本色白麻價銀五兩一錢九分有奇折色白麻魚線

膠價銀七十三兩一錢五分二釐

魚課鈔銀四十四兩四錢

一分二釐有奇

後河

遇閏加銀五兩三錢五分三釐有奇

歸併南昌衛前屯實在屯田二十四頃三十三畝六分八釐有

奇

內每畝科籽粒米一斗九升七合入勺有奇每米一石折銀五錢

實徵米折正增銀二百四十兩七錢八釐六毫有奇